





乾隆乙亥年鐫

# 金石三例

潘蒼厓金石例

王止仲墓銘舉例

黃梨洲金石要例

金石三例序



文章無義例耳若云無義則不可也

文章無義例惟碑碣之製則備載姓氏爵里世系以及功烈德望子女卒葬之類近於史家如春秋之有五十凡故例尚焉碑碣興于漢魏迄唐宋以下而例則斷自韓子元潘蒼崖創為金石例十卷制器之楷式為文之槩獲靡不畢具明初王止仲又撰墓銘舉例四卷兼韓子以下十五家條分縷晰例之正變推而愈廣

本朝黃梨洲以潘書未著為例之義與壞例之始作金石要例一卷用補蒼崖之闕合三書而金石之例始賅曩病時賢碑碣叙次失宜煩簡靡當蓋未嘗于前人體製一為



金石三例 序  
省錄爾茲故彙刻以行世俾後之君子曉然於金石之文不異史家發凡言例亦春秋之支與流裔觸類而長之庶乎知所從事矣蒼崖吾鄉濟南人止仲吳中北郭十子之一梨洲爲忠端公子漁洋重推之三君者學問文章皆有根柢其所論著足爲程式刻既成爲序其大畧如此乾隆乙亥長至日德州盧見曾撰

金石例序

金石例者蒼崖先生所述也凡碑碣之制始作之本銘志之式辭義之要莫不放古以爲準以其可法於天下後世故曰例而其所以爲例者由先秦二漢暨唐宋諸大儒皆因文之類以爲例至夫節目之詳率祖韓愈氏大書特書不一書彪分昉列其亦放乎春秋之例也與甚矣先生有功于斯文也先生世居中州以文學鳴國初士之爲文者猶襲纖巧其氣萎薶不振先生患其久而難變也乃述是書以授學者使其知古之爲文如此粲然畢舉如示諸掌故歷事六朝出入翰苑餘二十年凡經指授者皆有法度



金石錄序  
朝野至今稱之至正四年春先生之子敏中來爲饒理官  
好賢下士文雅有父風其于先生手澤尤加慎重以本之  
與於斯文也俾之次第而讎校之刻之梓以永其傳嗟乎  
先生不以崇高自居而加惠于後學敏中不以勢利相尙  
而盡力於遺書有子如是先生爲猶生矣後之人當知是  
書有功于斯文不細也先生姓潘氏諱昂霄字景梁學者  
稱之曰蒼崖先生官至翰林侍讀學士通奉大夫謚文僖  
有蒼崖類稿若干卷云至正五年春三月鄱陽後學楊本  
叙

聖人春秋褒貶著于筆削者謂之例國家政刑賞罰見于  
制度者謂之例是皆以其可爲法于天下後世也濟南文  
僖潘公蒼崖先生取古昔碑碣鐘鼎之文提綱舉要條分  
類聚定爲十卷名曰金石例一卷至五卷則述銘志之始  
而於貴賤品級塋墓羊虎德政神道家廟賜碑之制度必  
辨焉六卷至八卷則述唐韓文括例而於家世宗族職名  
妻子死葬月日之筆削特詳焉九卷則先正格言十卷則  
史院凡例制度筆削于此又可以槩見焉使世之孝子慈  
孫觀其制度之等則思得爲而爲不得爲而不爲而于事  
親之道不至違禮矣觀其筆削之旨則思孰爲可傳孰不  
可傳而於揚名之道有以自力矣是豈惟爲文者之助于



世教將重有補焉公之子敏中來官于饒出是書以示余因得以觀夫公之篤意斯文而又喜斯文之有賢子以傳也遂爲之引至正乙酉春三月望賜同進士出身將仕郎前慶元錄事鄱陽後學傅貴全序

文章先體製而後論其工拙體製不明雖操觚弄翰于當時猶不可況其勒于金石者乎陸士衡文賦論作文體製大畧可見由先秦以來迄于近代金石之所篆刻具有體製好古博雅之士皆不可以不之考也然而自上徂下貴賤有等名器亦因之而異數叙事紀實抑揚予奪必當有所法自非類聚而通考之何以見之哉翰林蒼崖先生潘

公雄文博學爲當世所推嘗歷攷古今文辭提綱舉要萃爲一編名曰金石例凡爲文之架度制器之楷式開卷瞭然其用心亦勤矣公之子敏中寶其手澤罔敢失墜宦游四方必載與俱其在番易復刊是編以廣其傳且與吾黨共之噫公掌帝制司文衡其所以藻飾太平者已無所不盡其忠敏中克承家學益彰其親之美斯亦繼志述事之孝者乎忠孝萃于一門文物昭于盛世使夫爲人臣爲人子皆有所矜式實有功于名教豈特爲文之助而已哉余故表而出之以冠篇端云至正五年春三月饒州路儒學教授桐川後學湯植翁序



三代無文人六經無文法儒者有是言也然春秋大義數十以褒貶寓於一字之間傳者謂其發凡以言例皆經國之常制周公之垂法諸稱書不書先書故書不言不稱書曰之類皆所以起新舊發大義謂之變例至謂發傳之體有三而爲例之情有五然則謂無法可乎後世之文莫重於金石蓋所以發潛德誅姦諛著當今示方來者也是而不知義例其不貽嗚吠之誚也幾希翰林蒼崖潘先生動必稽古取先代碩儒所爲文類而集之題曰金石例視傳春秋者所言如合符節俾夫攷古者知古人用意之所在而學古者有所矜式而不敢肆其嘉惠斯文不其至乎至正丁亥予忝教番易公之子敏中爲理官嘗屬郡士楊本端如緝其次第既已刻于家而公諸人學之賓師景陽吳君旭子謙吳君以牧謂此書將歸中州則邦之人焉能一一而見之哉盍列之學官以垂永久乃復加校正而壽諸梓於乎古人吾不得而見之矣得見古文斯可矣明年戊子夏六月既望廬陵王思明謹叙

常軌張氏金吾讀書志卷三十六載此書楊傳湯王四序後尚有卷尾後八語謂一說雖無證明不足  
致證歲月至正五年春三月望



柳貫金石例序 六經惟春秋有例謂其以一字制廢貶可舉此以通彼也史氏用其法載言紀  
 事故亦有凡有例然春秋為帝王經世之大權太史公仿之以為史記體例云乎哉自先秦而漢而  
 下論按功業為銘為誄者之金石其介哀侔于春秋其錄量繫于史氏使無例以為之統紀則漫且  
 靡矣金石例之作其始得諸此乎管子入教國子潘又簡之以集賢侍讀李士領大司成每休暇造  
 公見其簡冊紛披華墨文錯稍即問以此何為耶曰昔脩金石例彙聚既繁資承亦富固若是  
 耳予甚疑焉以為言之精者為文推原事始究極物變抑揚開闔言通互用求之於例盡則止  
 孰若求之無例之例為有得乎方將從公悟疑而公歿沒於是餘十年矣公之嗣子同知嘉州事其  
 乃此斯又言將刻梓以承公志請予序予蓋始得而觀之斯例也先括例次類例取於韓氏者十嘗八九  
 謂韓之鉅文起八代之衰恭而反之於正有春秋厲辭此事之教焉而例在其中矣懿哉公之用心也肆今  
 而後治金石錄德銘功示一王之制作再景鑠於無窮則斯例之傳其亦有功於韓者哉由是而充之雖  
 至於春秋史記可也元統二年歲次甲戌春正月七日柳某序  
 諸序中以此文為最當補入序中潘又簡之簡或作信當改博前

金石例目錄

卷之一

碑碣之始

墓誌之始

碑碣制度

墓誌制度

墓表制度

石人羊虎柱制度

墓圖

古今碑石同異

卷之二

金石文之始

碑式

碑陰文式

德政碑之始

德政碑式

墓碑式

鄱陽楊本編輯校正

廬陵王思明重校正



神道碑之始 神道碑式 家廟碑式

先廟碑式 先塋先德昭先等碑之始

先塋先德昭先等碑式 賜碑名號之始

賜碑名號式

卷之三

碣式 墓碣式 誌式

墓誌式 葬誌式 殯誌式

權厝誌式 歸祔誌式 墓版文式

卷之四

銘文之始 銘式 墓銘式

墓誌銘式 墓碣銘 墓輓銘

壙銘式

卷之五

古墓表式 今之墓表式 墳記式

誄式 行狀式 論行狀語錄

名號稱呼類 時忌字樣類 書碑額例

書碑陽例 書碑陰例 僧碑

論碑文合書不合書 書銘陰例

卷之六

韓文公銘誌括例



自宦業俊偉者叙起而以世系妻子居後

自急流勇退者叙起次履歷家世而以死葬居後

自事實叙起次履歷家世子女而以葬年月日居後

先叙姓字三代次履歷而以妻子居後

先叙家世  
不書家世而書履歷

不書家世履歷而言丹砂之害

先叙死年月起  
先叙死者葬地

先叙姓名履歷而以三代妻子居後

無履歷可叙者  
僅有初筮可書者

叙文詞之盛者  
自賜廟叙起

自乞銘叙起  
有誌無銘

述其妻子之辭  
法揚子雲造語

王臨川以為銘之奇者  
樓迂齋所取者

賜廟碑體  
郡王碑體

公相銘誌體  
節度觀察刺史誌銘碣

御史卿監郎官墓誌博士附  
州縣官誌銘

處士誌銘  
幼殤誌銘

卷之七

宗族媼黨稱呼例

書上代例  
書曾祖例  
書曾伯叔祖例



書祖例

書父例

書母例

書伯叔例

書伯叔母例

書兄弟姊妹例

書姊妹夫例

書妻例

書子男例

書女婿例

書舅姑例

書外家例

職名例

有出身必書例

內職必書例

書除授例

家世例

書三代例

不書三代例

歷書世系例

書三代及其兄例

書三代不名而及其女兒與甥例

不書曾祖而書六代祖及祖及父例

不書曾祖而書祖書父例

不書曾祖祖而書六世祖及父例

不書曾祖祖而書七世祖及曾伯祖及父例

不書曾祖祖而止書其父例

不特書父而書大王父王父伯例

書上世并書其母例

書二母例

書三代并書其母例

書三代并書其母其舅例

書父并其母舅不及上二代例

書十一世祖及父及母例



金石錄 卷之五  
書父及母及兄弟而不及上世例

書婦女家世例

書三代例

書祖書父及其舅其夫例

書父及其夫其子例

書兄弟例

書兄及弟例

書妻例

書妻及曾祖祖不書妻之父例

書妻及妻之祖父不書妻曾祖例

書妻及妻之父不及其曾祖祖例

書妻及妻之父及曾伯父例

書妻及妻叔祖不書其祖父例

不書妻祖父例

因葬書妻例

因祔葬書妻例

書再娶例

書三娶例

書婦德例

書子女例

書子女不名例

子書名女不書名例

子女並書名例

書子女及壻例

不書壻姓名例

書子女壻及外孫例

書異母子女例

書子而無女例



書子女年歲例

書女出家例

書子女生於死後例

書過房子例

書子文學材質例

書無子例

卷之八

書死例

書死于官著年月日例

書死于官不書年月日例

書死于家著年月日例

書死于中道外州著年月日例

書死于中道外州不書年月日例

書病死例

書不病而死例

書死而不書死之地例

書死而不書死之歲月例

書生死年月日例

書病死例

書死不書病例

書死為薨例

書葬例

書勅葬例

書詔許還葬例

書自他州返葬例

書葬他州例

書葬祖父墓域例

書夫祔妻墓例

書妻祔夫墓例

書合葬例

書各葬例

書因某人歸葬例

書本月內葬例

書本年内葬例



書明年葬例

特書某年葬例

不書年月日例

不書葬地例

書某月幾日不書甲子例

書某月甲子即不書幾日例

卷之九

論古人文字有純疵

論作文法度

論作文當取法經史造語

學文凡例

制式

擬制之始

擬制之式

誥式

擬誥之始

擬誥之式

詔式

擬詔之始

擬詔之式

表式

擬表之始

擬表之式

露布

擬露布之始

擬露布之式

檄式

擬檄之始

擬檄之式

箴式

擬箴之始

擬箴之式

銘式

擬銘之始

擬銘之式

記式

記以記事其式不一觀古人諸記可見矣故不具

擬記之始

擬記之式

贊式

擬贊之始

擬贊之式

頌式

擬頌之始

擬頌之式

序式

擬序之始

擬序之式

諸跋



郝伯常先生編類金石八例 蒼崖先生十五例

卷之十 史院纂修凡例

聖旨詔例 元正朝賀 外國來賀

車駕飛放 車駕行幸 嶽瀆降香

聖節朝賀 諸王稱號 皇屬除拜

內庭宴集 大會諸王 神祇祭享

百官拜罷 百官除日 萌古言語

誅殺罪人 錫宴犒勞 甲子日分

天地災異 奏除臣僚 奏對陳言

墜加散官 征伐收撫 外國君長

營造工作 臣下奏事 臣僚薨卒

金石例目錄終



有例則文之起必不得文之用必不鴻始由無例以之有例雖由有例以之無例以  
學之者之功夫即次也若夫法之神而通之天如輪扁之斲輪向德人之承蠟則  
夫三例之書與我所謂廣例者猶一吹而已矣

金石例卷之一

濟南 潘昂霄 景梁

○碑碣之始

禮記檀弓下季康子之母死公肩假曰公室視豐碑

註言視者時僭

天子也豐碑斲大木為之形如石碑於椁前後四角樹之穿中於間為鹿盧下棺以繚繞天子六繚四碑前後各重鹿盧也

三家視桓楹

註時僭諸侯諸侯下天子也斲之形如大楹耳四植謂之桓諸侯四繚二碑碑如桓矣大夫二繚二碑士二繚無碑 疏視比擬之辭也斲大木為之形如石碑者

三代時廟碑以神像性  
墓碑以下是故皆有  
圓字而無文字

禮廟庭有碑故祭義云牲入麗于碑儀禮每云當碑揖此云豐碑故知斲大木為碑也云於椁前後四角樹之者謂椁前後及兩旁樹之角落相望故云非正當椁四角也云穿中於間為鹿盧者謂穿去碑中之木令使空於空間著鹿盧兩頭各入碑木云下棺以繚繞者繚即紼也人各背碑負紼末頭聽鼓聲以漸却行而下之案春秋天子有隧以羨道下棺所以用碑者凡天子之葬掘地以為方壙漢書謂之方中又方中之內先累椁於其方中南畔為羨道以蜃車載柩至壙說而載以龍輜從羨道而入至方中乃屬紼於棺之緘從上而下棺入於椁之中於此時用碑繚也 又云以言視桓楹不云碑知不似碑形故云如大楹耳通而言之亦



謂之碑也云四植謂之桓者案說文桓亭郵表也謂亭郵之所而立表木謂之桓即今之橋旁表柱也今諸侯二碑兩柱為一碑而施鹿盧故云四植謂之桓也周禮桓圭而為雙植者以一圭之上不應四柱但琢為二柱象道旁二木又宮室兩楹故雙植謂之桓也大夫亦二碑但柱形不得麤大所以異於諸侯也

韻會舉要碑字

註說文豎石紀功德從石卑聲徐曰按古宗廟立碑以繫牲耳後人因於其上紀功德此碑字從石秦以來制也七十二家封禪勒石不言碑七十二家封禪之言始于管仲不言碑穆天子傳乃為名迹于奔茲石上亦不言碑也銘勒功德當始于宗廟麗牲之碑也又祭義麗牲疏賈氏曰官必有碑士昏禮聘禮入門當碑揖則大夫士廟內皆有碑鄉飲酒鄉射三揖則庠序之內皆有碑據祭則諸侯廟內有碑碑所以識日景觀碑景邪正以知早晚宮廟用石為之葬碑取懸繩緯暫時往來運載當用木而已喪大記註天子用大木為碑謂之豐碑諸侯樹兩大木謂之桓楹檀弓註鄭氏曰斲大木形如石碑於椁四角樹之穿中為鹿盧下棺以緯繞天子六緯四碑諸侯四緯二碑士二緯無碑又釋名云碑被也葬時所設臣子追述君父之功以書其上徐曰劉熙言起於懸棺之碑者蓋今神道碑也初學記碑悲也所以悲往事令人墓隧宮室之事通謂之碑矣

事祖廣記云管子曰無懷氏封泰山刻石記功秦漢以來

始謂刻石曰碑蓋因喪禮豐碑之制也刻石當以無懷

為始而名焉自秦漢也陸龜蒙笠澤叢書曰碑悲也古者懸而窆用木書之以表其功德因留之不忍去碑之名由是

而得自秦漢以降生有功德政事者亦碑之而又易之以石失其稱矣此又德政有碑之起也陸法言廣韻曰碑碣李斯造宜始于嶧山之刻爾釋名曰本葬時所設臣子追述君父之功以書其上

事祖廣記云古之葬有豐碑以窆秦漢以來死有功業生

有德政者皆碑之稍改用石因總謂之碑晉宋之世始

又有神道碑天子及諸侯皆有之其刻文止曰某帝或某官神道之碑今世尚有宋文帝神道碑

墨本也其初由立之于葬兆之東南地理家言以東南為神道故以名碑爾案後漢中山簡王薨詔為之修冢塋開神道註云墓前開道建石柱以為標謂之神道是則神道之名在漢已有之也晉宋之後易以碑刻云

墓誌墓碑文辭各異如云千歲之後陵谷變遷知其為良吏之壙其勿毀焉又云兩嬪鴈行同域也而不同藏之類止可施于墓內

今偏僻州縣處所猶有在大堂前居中立石者此即官必有碑之遺也

神道之立石始於漢然但標墓之神道以表識身之年未有文詞

既三墓前開道則非目地理家之說可知故不專指東南也







○墓誌制度

墓誌納之墓中。柩前平放。其狀如方石。斗二。底撮面平。而

不凹。大小無定制。

上一斗。於平面上。大字題某官某人墓誌銘。曾見古墓中。石誌制度如此。又記上一斗止。寫某人墓

誌。不書銘字。下一斗上。作小字書。前一行刻云某官某人墓誌銘。并引。或言有序。或言并序。後書序及銘。刻畢。以丹填之。上下二斗。字並用丹填。二斗相合。四角以薄石片措起。措石如錢大。厚薄亦如之。但要使二石實相壓着。

家禮云下誌石

云墓在平地。則於壙內近南。先布輓一。重置石其上。又以輓四圍之。而覆其上。若墓在山側峻處。則於壙南數尺間。掘地深四

五尺。依此法埋之。

○墓表制度

家禮云墳高四尺。立小石碑于其前。亦高四尺。跌高尺。訖

按孔子防墓之封。其崇四尺。故取以為法。用司馬公說。別立小碑。但石須濶尺以上。其厚居三之二。圭首而刻其面。如誌之蓋。乃畧述其世系名字行實。而刻于其

左轉及後右。而周焉。婦人則俟夫葬。乃立面如夫亡誌蓋之刻云。

墓表石立於墓前

就地埋定。上題云某人之墓。無文辭。墓雖無碑者。亦當立此石。

○石人羊虎柱制度

事祖廣記云。炙轂子曰。秦漢以來。帝王陵寢。有石麟辟邪

兕馬之屬。人臣墓有石人羊虎柱之類。皆表飾墳壠。如

生前儀衛

風俗通曰。方相氏葬日入壙。驅罔象罔象。好食死人肝腦。人臣不能備方相。乃立其象于墓側。又罔象畏虎。與栢故。頂上栽栢。路前

立虎也。盧思道西征記曰。新城西有漢旌陽太守趙起墓。有石柱東南。有亭。因名柱為表。漢霍去病墓像祁連山。立石人馬。然則墓前之立石人柱羊虎之類。皆起于漢也。又唐王建北邙行云。山頭澗底石漸稀。盡向墳前作羊虎。

金制諸葬儀。一品官石人。四事。石虎。石羊。石柱。各二事。二

品。三品。減石人。二事。四品。五品。又減石柱。二事。

此無貴賤必當建







○墓圖

古金石例云墓圖作方石碑先畫墓圖有作圓象者內畫

墓樣各標其穴某人其石嵌之祭堂壁上無祭堂則

嵌圍牆上

韓魏公父墓圖今有此石歲久臥之牆外

宗久圖碣二一埋中宮之下一立中宮之上太原以墳塋

中心為宅神亦中宮之義也

祭堂瓦花頭皆寫云某氏千秋墓

花頭瓦其花頭刻云宗氏千秋今石刻在申州刺史宅凡祭堂二於中宮左右建

家禮云刻誌石

用石二片其一為蓋刻云有宋某官某公之墓無官則書其字曰某君某甫其一為底刻云有宋某官某公諱某字某某州某

縣人考諱某某官母氏某封某年月日生叙歷官遷次某年月日終某年月日葬于某鄉某里娶某處某氏某人之女子男某某官女適某官某人婦人夫在則蓋云有宋某官姓名某封某氏之墓無封則云妻無官則書夫之姓名夫亡則云某官某公某封某氏夫無官則云某君某甫妻某氏其底叙年若干適某

氏因夫子致封號無則否葬之日以二石字面相向而以鐵束束之埋之墳前近地面三四尺間蓋慮異時陵谷變遷或誤為人所動而此石先見則人有知其姓名者庶能為掩之也

諸墳塋地一品四面各三百步

長周不等者以積步折之餘准此

二品二百五

十步三品二百步四品五品一百五十步六品以下

一百步庶人

不叙使官餘條葬無文者並准此

及寺觀各三十步若經恩

錫及山谷內已業荒田者不在步數之限

○古今碑石同異

漢碑有銘辭亦有無者今亦然

謂神道碑并墓碣有銘辭者有無銘辭者今碑碣亦然也

墓碑無銘辭刻墓前石柱上亦有刻在碑上者

墓地之廣狹墓碑之尺度以及石人石虎名數之殊在今自有國家令典觀此則可知所從來而不貿於誕矣

今令甲乙自有制與此大同小異



金石例卷之一終

金石例卷之二

濟南 潘昂霄 景梁

○金石文之始

周禮王功曰勲國功曰功民功曰庸事功曰勞治功曰力  
戰功曰多凡有功者銘書于王之太常

禮記曰夫鼎有銘銘者自名也自名以稱揚其先祖之美  
而明著之後世者也為先祖者莫不有美焉莫不有  
惡焉銘之義稱美而不稱惡此孝子孝孫之心也唯  
賢者能之銘者論譔其先祖之有德善功烈勲勞慶  
賞聲名列於天下而酌之祭器自成其名焉以祀其



先祖者也顯揚先祖所以崇孝也身比焉順也明示後世教也夫銘者壹稱而上下皆得焉耳矣是故君子之觀於銘也既美其所稱又美其所爲爲之者明足以見之仁足以與之知足以利之可謂賢矣賢而勿伐可謂恭矣故衛孔悝之鼎銘曰六月丁亥公假于大廟公曰叔舅乃祖莊叔左右成公成公乃命莊叔隨難于漢陽卽宮于宗周奔走無射啟右獻公獻公乃命成叔纂乃祖服乃考文叔興舊耆欲作率慶士躬恤衛國其勤公家夙夜不解民咸曰休哉公曰叔舅予女銘若纂乃考服悝拜稽首曰對揚以辟之勤大命施于烝彝鼎此衛孔悝之鼎銘也古之君子論譔其先祖之美而明著之後世者也比其身以重其國家如此子孫之守宗廟社稷者其先祖無美而稱之是誣也有善而弗知不明也知而弗傳不仁也此三者君子之所恥也昔者周公旦有勲勞於天下周公旣沒成王康王追念周公之所以勲勞者而欲尊魯故賜之以重祭外祭則郊社是也內祭則大嘗禘是也夫大嘗禘升歌清廟下而管象朱干玉戚以舞大武八佾以舞大夏此天子之樂也康周公故以賜魯也子孫纂之至于今不廢所以明周公之德



而又以重其國也

春秋左氏傳曰季武子以所得於齊之兵作林鍾而銘魯功焉臧武仲謂季孫曰非禮也夫銘天子令德諸侯言時計功大夫稱伐今稱伐則下等也計功則借人也言時則妨民多矣何以爲銘且夫大伐小取其所以得作彝器銘其功烈以示子孫昭明德而懲無禮也今將借人之力以救其死若之何銘之小國幸於大國而昭所獲焉以怒之亡之道也

國語曰昔克潞之役秦來圖敗晉功魏顆以其身却退秦師於輔氏親止杜回其勲銘於景鐘克勝也魯宣十五年六月癸卯晉荀林父將滅

赤翟潞氏七月秦桓公伐晉次於輔氏晉景公治兵以畧翟土及潞魏顆敗秦師於輔氏獲杜回景鐘景公鐘

○碑式

碑式之可法者固多舉其二一以爲式後皆放此當類推之

衢州徐偃王廟碑

韓退之

平淮西碑

曹成王碑

南海神廟碑

處州孔子廟碑

柳州羅池廟碑

黃陵廟碑

箕子碑

柳子厚

道州文宣王碑

柳州文宣王碑

終南山祠堂碑

太白山祠堂碑

湘源二妃廟碑

饒娥碑

南霽雲睢陽廟碑

后土神祠碑

張說

唐天下放生池碑

顏真卿

禹穴碑

鄭魴

表忠觀碑

蘇子瞻

潮州韓文公廟碑

伏波將軍廟碑

壽域碑

王元之

四皓廟碑

披雲堂碑

馬才



東平行臺嚴公祠堂碑 元遺山

祭孤魂碑 杜止軒

文子廟碑 郝伯常 漢高祖廟碑

漢光武廟碑

處士管寧廟碑

○碑陰文式

碑陰文 柳子厚

碑陰記

大明碑陰

先友記

處州孔子廟韓文公碑陰記 杜牧

○德政碑之始

事祖廣記云自秦漢以來死有功業生有德政者皆記之稍改用石因總謂之碑

○德政碑式

明州王密德政碑 李舟

易州刺史田仁琬德政碑 蘇靈芝

高陵縣令劉君德政碑 劉禹錫

○墓碑式

清邊郡王楊燕竒碑文 韓退之

權公墓碑

劉統軍碑

王黃華墓碑 元遺山

寄菴先生墓碑

費縣令郭明府墓碑

宣武將軍孫君墓碑

○神道碑之始

事祖廣記云晉宋之世始又有神道碑天子及諸侯皆有之其刻文止曰某帝或某官神道之碑今世尚有宋文帝神道碑墨

本也其初猶立之於葬兆之東南地理家言以東南為神道若神靈出遊道之意故以名碑爾 唐李夷簡臨終敕無碑神道

○神道碑式

唐銀青光祿大夫守右散騎常侍致仕上柱國襄陽郡

王平陽路公神道碑銘 韓退之

唐故河東節度觀察使

滎陽鄭公神道碑文

唐故中散大夫少府監胡良公

後漢書中山簡王  
烏僧家陸開神道  
注墓前開道建石  
柱以為標謂之神道  
按此後世神道碑所  
本

德政碑今雖有禁不  
得作然自秦漢有之  
文章家自不當去此



墓神道碑 唐故江南西道觀察使贈左散騎常侍太

原王公神道碑 司徒兼侍中中書令贈太尉許國公

神道碑銘 湖州長城縣令崔孚神道碑白樂天

平章政事壽國張公神道碑元遺山沁州刺史李君神道碑

朝散大夫胡公神道碑 內相文獻楊公神道碑

轉運使王公神道碑 禮部尚書趙公神道碑

內翰馮公神道碑 國子祭酒馮公神道碑銘

東平行臺嚴公神道碑 朮虎公神道碑

刺史馬公神道碑銘 康公神道碑銘

劉氏先塋神道碑 完顏公神道碑

畢侯神道碑銘 千戶趙君神道碑

○家廟碑式

立家廟自有品從唐人三品以上得立餘不得立碑與墓碑制度同曾見永寧縣西寺有文潞公家廟碑是司馬溫公撰制度與墓碑

同其陰今磨之刻寺記矣家廟碑立之家廟前

司馬溫公撰文潞公家廟碑其略云公以廟制未備不敢作主用晉荀安昌公祠制作神板采唐周元陽議祀以

元日寒食春秋分冬至致齋一日又以或受詔之四方不常其居乃酌古諸侯載遷主之義作車奉神板以行此皆禮之從宜者也

○先廟碑式

烏氏廟碑銘壬辰詔用烏公為銀青光祿大夫河陽軍節度使兼御史大夫封張掖郡開國公居三年河陽稱治詔贈其父工部尚書且曰

其以廟亭即以其年營廟于京師崇化里軍佐竊議曰先公既位常伯而先夫人無加命號名差卑于配不宜語聞詔贈先夫人劉氏沛國太夫人八年八月廟成三室同宇祀自左領府君而下作主于第乙巳并于廟魏博節度觀察使沂國公先廟碑銘



田宏正始有廟京師謹案魏博節度使銀青光祿大夫檢校工部尚書兼魏州大都督府長史御史大夫沂國公田宏正北平盧龍人故為魏博諸將忠孝畏慎田季安卒其子幼弱用故專代父人吏不附迎宏正於其家使領軍事宏正籍其軍之眾與六州之人還之朝廷悉除河北故事比諸州故得用為帥已而復贈其父故滄州刺史兵部尚書母夫人鄭氏梁國太夫人得立廟祭三代曾祖都水使者府君祭初室祖安東司馬贈襄州刺史府君祭二室兵部府君祭東室 **袁氏**

**先廟碑** 袁公滋既成廟明歲二月自荆南以旂節朝京師留六日得壬子春分率宗親子屬用少牢于三室既事退言曰嗚呼遠哉維世傳德襲訓集

余乃今有濟今祭既不薦金石音聲使工歌詩載烈象容其奚以飭雅昧于長久惟敬繫羊豕幸有石如具著先人名跡因為詩繫之語下于義其可雖然余不敢必屬篤古而達于辭者遂 **丞相崔圓廟碑** 始立廟洛邑曰考廟王考廟皆以命愈已上係韓退之 二丈有七從四尋衡八尋二戶

立楹外垂四阿巧塤彩繪施以丹雘齋室饗室庭垣稱之 禮曰以勞定國則祀之能禦大災則祀之能捍大患則祀之是宜廟食以銘于鼎 古者諸侯立五廟有鼎與樂有國之制侯伯有爵而無土廟有鼎祭樂不克立五廟而立三廟不銘于鼎而銘于碑韓雲卿 **南康郡王韋臯先**

**廟碑** 萬物本乎天人本乎祖乃立宗廟以交神明 古者揚其功烈銘于祭器近古以魯鐘衛鼎追琢先德不若鏤文字于麗牲之碑之為詳也乃謹而

書之權 **丞相代國公王涯先廟碑** 唐制五等有爵服而無山川登于三載之 **事得立四廟備物崇祀以交神明敬**

先報本以輔孝治有國之令典也唯長慶三年前相國王公始卜廟于西京崇業里公時鎮劍南東川上章曰臣涯官秩印綬品俱第五請如式以奉家廟制曰可 是歲仲冬申命長男孟堅祔其主于三室明年公入為御史大夫復以十一月親行烝嘗間歲公出梁州就拜司空禮崇數異廟加祀室太和二年增新室既成祔顯考于尊位告 **彭陽郡公令狐楚先廟碑** 今上元年七月具官令狐饗由禮劉禹錫 公西嚮拜章上言守臣楚

蒙被恩深列于元侯得立家廟以奉常祀制書下其奏于有司于是善相考祥得地于京師通濟里居無何新廟成公以守藩故申命季弟監察御史定卜牲練日越八月丁亥祔饗三室培墉以尚幽設 **右僕射趙郡李紳先廟碑** 王

幄以迎精理無尤違神用寧謐劉禹錫 侯侯建廟廟有器器有銘所以論譔先德明著後代或書于碑或文于碑古今之通制也 齋沐祗慄拜章上言請立其廟以奉常祀于是得請于天子承式于有司是歲某月某日經始于東都明年某月某日有事于新廟外盡其物內盡其志三獻百順神格禮成白樂天

○先塋先德昭先等碑之始

蒼崖先生曰先塋先德昭先等碑例似與神道碑墓誌等

**碑不同** 先塋先德昭先等碑創建於國朝已前唐宋金皆無之所書三代并妻子例似與神道墓誌不同也

此唐以前所無起於宋



○先塋先德昭先等碑式

安肅郝氏先塋之碑

宣差五路萬戶郝侯和尚貞祐 今年夏五月侯朝行闕對於幄殿者餘七十日且以上廐馬二西域馬三彤弓四鎧冑三金錦三并金虎符錫之夫人劉氏亦拜雙錦之賜 按郝氏安肅人葬于縣之元兔鄉千秋里者不知幾昭穆矣會大父諱廣資善良有陰德聞里中年八十三遇異人教之良禁齒髮更生又十年乃終妣曰劉氏大父諱全任俠尚氣勇于赴難有朱家郭解之器妣曰田氏生二子侯之父諱增氣節豪宕人多歸之不幸蚤世妣曰孫氏從上三世皆潛德不耀獨叔父彥自承平時以貲為恩州酒務使次令安肅迄今康寧壽考坐饗榮養歲時問安孫息滿前郝宗陽報之慶斯濫觴也雖侯襲已積之善擁方來之福而生子如此祖考可以無恨矣元遺山 大丞相劉氏先塋神道碑

碑

謹按劉氏世居宣德縣北鄉之青魚里孝弟力田蓋有年矣會大父雲自遼仲昌用仁字仲至體仁字仲康仲至府君即公之考也公家故大族 府君娶同鄉李氏生三子長敦字德厚季効字德信皆無祿早世公其第二子也自大父以來不常厥居有其先塋止于青魚西北原而已 夫忠以報國孝以起家立身行道之義彰慎終追遠之德厚不有金石後裔何觀乃為之銘公名某字德柔以小字某行八子某其 歸德府總管范陽張公先德碑 范陽張公漢臣長已襲世爵云 遺其叅佐陳玠

李侃侯珙自曹南走書幣及于順天書謂子曰子良不敏爰自束髮以良家子隸軍籍轉戰南北將四十年馮藉先世積善之舊生還鄉國乃辛丑某月得用侯伯之服之禮展省墳墓考之令甲諸仕及通貴廟與墓俱有碑應用螭首龜趺之制竊不自揆度思得文士之見信于入者撰述之 維張氏族出范陽其家于縣東仇家里者不知其幾昭穆矣自公會大父甲而下皆隱德不耀大父臣甫資稟高亮 壽八十有七怡然坐逝祖妣王氏李氏生子三人其季諱珪純質有父風明昌壬子之夏三水泛濫漂壞廬舍至于丘隴亦為湮沒珪與長女李乘船筏百計訪求僅得祖考遺骸于泥淖之下其瀕于死者屢矣妣宋氏慈仁勤儉孝于舅姑生子二人長即公次曰子明仕為鄜州洛郊主簿母有前識謂公材幹特達後當貴顯常戒之母妄殺以仁愛為懷墓故在三水之陽懲創水禍改卜其陰乃在所居之西南原見于辛丑新阡者特二世耳初大安兵興公以材選為軍中千夫長 故予既論次其先德并以公出處附之欲人知張氏所以起其宗者蓋如此

龍山趙氏新塋之碑

歲癸酉冬十月先太師以王爵統諸道兵長驅而南 癸卯冬十月侯介于同官李稚川周才卿為予言吾趙氏世居保塞以仕遷大梁五代末有諱匡穎者官至靜江軍節度使兼桂州管内觀察使弟匡衡及八世孫襄疊仕于宋皆至通顯金朝兵破大梁吾家例為兵所驅盡室北行至龍山遂占籍焉雖譜牒散亡而其見于祖塋石誌者蓋如此振玉之會大父坤隱田間致貲巨萬娶王氏生大父憲資侖儻好施予人多以急難歸之娶馬氏生子八人吾父琳其第四子也幼出大家頗以裘馬自喜由大父而上皆葬鄉里振玉之考妣兵亂中權厝縣西佛寺比避兵還而寺屋被



焚遂失藁殯所在 乃用故事卜于平棘縣西北鄉蘇村里之南原為顯考衣冠之藏日者室人冀氏物故因從祔焉維遠祖自保塞遷大梁既無歲月可考自大梁遷龍山則僅能志之今南原卜宅亦吾趙宗之大舉不勒之金石以昭示永久後世其謂我何誠得吾子辱以文賜之為幸多矣敢再拜以請 下邳

劉氏先德碑銘

下邳劉氏其先世皆滄人自總管而上其世系名諱與其仕宦可知者凡四世高祖父諱辛仕金官至顯武將軍軍

資庫使符離縣尉升下邳令子二人長曰思誠次曰思謙業儒術有子二人曰元曰珍元早卒珍字子玉 年八十二以壽終配樂氏潘氏子二人曰榮曰顯其一

早卒皆樂氏所出榮字德茂 至元十一年正月卒享年七十有六配邢氏子男二人長曰源承事郎樂安州判官娶徐氏子男二人曰某次即總管傑也娶謝氏

前卒繼娶郭氏靈壽縣尹敏之女子男七人 傑字漢卿 自曾大父以上皆葬下邳巨山之陽自祖父以下皆葬益都今將補松楸之闕展拜掃之儀願得子之

文刻之貞石 乃為次第其世數事跡而繫之以銘王鹿庵

彰德總管孫公先塋碑銘

公之曾大父某娶何

氏四子慶祐慶文慶元祿和慶元則公之大父也娶趙氏有婦德二子威平平早世歲即公之考也年若干終于某官杜氏年八十八下及五世孫疾公率其子拱

振等諸孫謙諧誼等以問 然而公未老事業尙未既而拱有才氣謙既能以世其業云予他日又可以考其淺深厚薄於此也 劉夢吉

懷孟萬

戶劉公先塋碑銘

按顯會祖考諱德安隱居不仕妣張氏楊氏顯祖考祁陽府君諱寶資幹奇偉氣畧過人 享年若干妣李氏

楊氏姜氏顯考蒲陰府君諱世昂不避矢石竟被創而廢享年若干妣齊氏張氏三世皆葬祁州蒲陰之北鄉百長原其家宗支則有圖列碑陰

龐氏

墓道先德碑銘

會祖其次居十然以次推十曾外二伯曾則兄猶七人其下有季叔無耶昆弟耶從父從祖之昆弟耶所不可知姑

計是十家子孫將不百人而止咸盡于賊惟十曾一子祖府君諱智者存 考府君生六年當至元改明年己丑夏五月二十有八日以卒年七十七 考府君即

墳喪之仲應亦卒 仲温以他求出異以九年戊辰十一月二十有七日卒年止四十七從塋先塋諸姑四人皆歸鄉人詠昆仲二人合仲父季父子各四人為十

人輅銀符由同提舉興州採木司主洛水簿卒子文柳文振詠子文括文播承顏合諸父之子男十二人女十一人姚牧菴

鄒平賈氏昭

先之碑

賈氏世為濟南鄒平人祖諱某以敦斂自尚二子長諱某次諱某尚書君父也卒年六十四配王氏 癸巳三月二十日年七十卒二子

曰馴致道君曰某以字顯監濱州稅孝友有為四女長適王氏次李氏次段氏次王氏皆濟南盛族劉中菴

賜碑名號之始

退朝錄云唐太宗自撰魏元成碑德宗亦撰段秀實碑本

朝太宗撰中令趙公碑皇祐中王侍郎子融守河中



還乃以唐明皇所題裴耀卿額上之仁宗遂御篆賜沂公碑曰旌賢

○賜碑名號式

旌賢王沂公碑 懷忠呂許公碑 顯忠李忠武公碑

旌忠寇萊公碑 全德元老王太尉碑 教忠積慶文

潞公父洎碑 親賢李侍郎用和碑 褒親齊國獻穆

公主碑 旌功曹襄悼碑 崇儒丁文簡碑 舊覺晏

元獻碑 舊德張鄧公碑 顯先積慶趙中令子鼎昭

碑 旌忠懷德張侍中耆碑 儒賢高文莊碑 思賢

李相沆碑 褒賢范文正公碑 旌忠元勳狄忠襄碑

褒忠陳恭公碑 清忠王武恭碑 純孝張文孝碑

忠規德範宋元憲碑 淳德守正呂文穆碑 大儒元

老賈公碑

賜碑名號即昔賢所稱別製四字之式今制賜恤貴公亦皆賜碑由翰林院撰文而無賜額之事耳

金石例卷之二終





金石例卷之三

濟南 潘昂霄 景梁

○碣式

國子司業陽城遺愛碣

公名城字元宗家于北平隱于條山惟公端粹冲和高嶷懿醇道德仁明孝愛友悌薰襲里閭

布聞天下守節貞固患難不能遷其心怡性坦厚榮位不足動其神為司諫義震于周行為司業愛加于生徒宜乎立石俾後是憲其辭曰惟茲陽公履道葆醇爰初隱聲覆篲基仁德充而形乃作諫臣抗忠勵義直道是陳帝求師儒貳我成均開朗蒙滯宣明德教大和潛布玄機密照羣生聞禮後學知孝進退作則動言是効匪公之軌人用奚蹈麤厲貪凌待公順之欺偽譎詐待公信之少年申申咸適其宜榎楚廢弛尊嚴而威公褒其良俾升于堂癯者既肥榮如袞衣公棄不用懲咎內訟既訟于內猶公之誨匪仁孰親匪德孰尊今公于征孰表儒門生徒上言稽首帝聞謂天益高會莫我聞青衿涕濡填街盈衢遠逸于南望慕踟躕立石書德用揚懿則嗚呼

**故御史周公碣** 有唐貞臣汝南周氏諱某字某以諫死葬于某貞元十二年柳宗元立碣于其墓左在天寶年有以諂諛至相位賢臣放退公為御史抗言以白其事得死于墀下史臣書之公之死而佞者始畏公議 銘曰忠為美道是履諫而死佞者止史

書其官克任其官



之志石以紀 故秘書省校書郎獨孤君墓碣 嗚呼有唐仁人獨孤君之墓祔于其父太子舍

人諱助之墓之後自其祖贈太子少保諱問俗而上其墓皆在霸水之左今王父營陵于其側故再世在此君諱申叔字子重年二十二舉進士又二年用博學宏詞為校書郎又三年居父喪未練而沒蓋貞元十八年四月五日也是年七月十日而葬鄉曰某鄉原曰某原柳子厚

○墓碣式

故兵部郎中楊君墓碣 君諱凝字懋功 貞元十九年正月某日守尚書兵部郎中楊君卒某月日葬于奉先縣某原

既葬其子姪洎家老謀立石以表于墓葬令曰凡五品以上為碑龜跌螭首降五品為碣方跌圓首其高四尺按郎中品第五以其秩不克僭降而從碣之制其世系則紀于大墓柳子厚 故萬年令裴府君墓碣 公諱堉字封叔河東聞喜人太尉

實會祖刑部員外郎府君諱植實祖大理卿府君諱儼實父 冢子銑奉柩以明年月日克葬于墓銑以文書來柳州告其叔舅宗元願碣于墓左則涕為之銘

○墓誌式

故尚書戶部郎中魏府君墓誌 魏氏世墓于某縣某原唐興有聞士諱之邊者與子及孫咸舉進士

嗣為儒家綿州涪城尉諱全瑤魏州臨漢主簿諱欽慈太常主簿諱緄尚書膳部員外郎兼江陵少尹諱萬成凡五代名高而不浮于行才具而不得其祿江陵府君益之以閎達之量經緯之謀故豪士賢大夫痛慕加厚生郎中府君諱宏簡字曰裕之以文行知名 監察御史柳宗元聞其道而玩其文也久居又同聞故哀而銘之 故朝散大夫永州刺史崔公墓誌 維元和五年九月十五日壬子永州刺史崔公

柳子厚 薨于位享年六十八乙未殯于路寢景寅遷神于舟以某年某月日歸葬于某縣某原祔于皇考吏部侍郎贈戶部尚書府君之墓 公前夫人徐州參軍滎陽鄭

鉅女有子曰義和早夭後夫人萬年尉范陽盧彤女嘉淑之德繼聞宗族有子曰貽哲貽儉克承于家洎公之兄子曰勵白禮誠願誌于墓無忘公之德 安南

都護張公誌 公諱舟字某某郡人也曾祖彥師朝散大夫尚書駕部郎中祖

有懿美積為餘慶公以忠肅循其中以文術昭于外推經旨以飾吏事本法理以平人心 優詔累旌其忠良太史嗣書其功烈就加國子祭酒封武城男食邑三百戶凡再策勲至上柱國三增秩至中散大夫某年月薨于位年若干天子震悼傷辭有加明年其孤某官與宗人號奉裳帷率其家老咨于叔父延唐令某卜宅于潭州某原葬用某月某日人謀皆從龜兆襲吉 邕州刺史李公誌 公

乃刻茲石著公之闕以志于其窆以告於幽明 位字某實惟文皇帝之玄孫別子曰承乾為皇太子以藩愛逼奪危慄致禍後封恒山為愍王贈荊州大都督繼別曰象蘄春郡太守贈越州大都督郇國公太宗



曰玳太子詹事贈秘書監生虞尚書左丞凡四代有土田居貴仕公丕承之以率南服克荷天休繼有功德 嘗合汞硫黃丹砂為紫丹能入火不動以為神服之且十年然卒以是病暴下赤黑數日薨實元和十三年六月十五日年五十七僚宰庀事有緹五兩無金銀泉貝幾不克斂夷人號呼致幣歸以明年月日葬祔其穆長安西南 高陽原上 貴州刺史鄧君誌 君諱某字某南陽人漢司徒禹之世也曾祖倚皇連州普城令祖少立皇滄州司馬

考邕皇左武衛兵曹參軍惟君敏給以御下廉忠以承上幹蠱之稱洽于諸侯信謹之跡彰于所蒞故自始仕以至沒世未嘗無聞焉 始由湖南為江西再以君為從事知之最厚痛君之能不施于劇任惜君之志見屈于羣疑且以誌授宗元使備其闕古者觀其所使而知在上之德今也觀其所使而知在下之誠嗚呼可無辭 桂管防禦副使呂公誌 呂氏世居河東至延之始大以御史大夫為浙東道節度大使延之生渭為中書舍人尚書禮部侍郎刺湖南七州生四子温恭儉讓以温為尚書郎再贈至右僕射

恭字敬叔他名曰宗禮或以為字實惟呂氏宗子尚氣節有勇畧不事小謹讀從橫書理陰符握機孫子之術曰我師尚父冑也 不幸温刺衡州年四十卒恭未及理人年三十七又卒世固有有其具而不及其用若温恭者耶恭貌奇壯有大志信善容物宜壽考碩大而 柳州司馬孟公誌 常謙 孟氏之孤曰遵慶奉其 曰月日君薨月日將葬于某敢請刻辭 惟公志專于中貌嚴于外常立廷中毅然望之若圖形刻像聞國難輒不寢食謀度憤咤以故病不可治曾祖某官諱某

祖某官諱某父某官諱某公 故試大理評事裴君誌 裴氏之昭曰贈戶部尚書諱某穆曰起居

郎諱某生均州刺史諱某均州與其弟大理更為刑部郎用文史名于朝善杜禮書長子曰某射進士策不中去過汴韓司徒宏迎取為從事以聞拜太子通事舍人進大理評事當伐蔡及鄆汴常為軍首贊佐有勞既事將侍太夫人于京師道發疽元和十四年月日終于河南敦厚里年若干字曰某弟某以其喪歸葬于某縣某里未果娶有男子二人女一人男之長曰某通兩經始杖且廬 大理評事柳君誌 晉之亂柳氏始分曰耆為

慶相魏魏相之嗣曰且仕隋為黃門侍郎其小宗曰楷至于唐刺濟房蘭廓四州楷生夏縣令府君諱繹繹生司議郎府君諱遺愛皆葬長安少陵原遺愛生御史府君諱開葬南陽其嗣曰寬字存諒讀其世書揚于文辭卒于公館元和六年八月七日也年四十七 今將以某月日祔葬苟又不得令辭而誌焉是無以蓋前人之大痛敢固以請嗚呼余懼辭 秘書郎姜君誌 秘書郎姜某字某開元

皎與上游益貴幸子慶初得尚某公主生粵粵生三日上曰他物無以餉吾孫即勅有司以第六品告與緋衣銀魚得通籍出入凡名是官七十某年終不徙 元和十四年月日終桂州都督御史中丞裴公曰噫帝戚也葬不可以 襄陽丞廉為具物祭以豚酒月日葬州東南一里子某年若干母曰雷姬 趙君誌 貞元十八年月日天水趙公矜年四十二客死于柳州官為斂葬于城北之野 矜之父曰漸南鄭尉祖曰倩之鄆州司馬曾祖曰弘安金紫



光祿大夫國子祭酒始矜由明經為舞陽主簿蔡帥反犯難來歸擢授襄城主簿賜緋魚袋後為襄陽丞其墓自曾祖以下皆族以位時宗元刺柳用相其事哀而旌之

**溫縣主簿韓君誌** 有唐故溫縣主簿韓慎字某漢弓高侯其先也徙于南陽 貞元十六年又調于天官署河陽丞未

拜十有一日暴病卒于長安永崇里先人之廬又 **東明張先生誌** 東明先生張氏十有一日龜策襲吉祔于咸陽洪瀆原先人之墓 曰因嘗有以文薦于天子天子策試甚高以為長安尉一年投去印綬願為黃老術詔許之病既亟以命回曰吾生天寶訖貞元乙酉歲十月今死于汝之手盈吾志矣京師吾生也畢原先人之歸也必以返葬乃自為誌 **太府李卿外婦** 而卒明年正月某日葬如其言弟子某等為碑以誌其墓

**馬淑誌** 氏曰馬字曰淑生廣陵母曰劉客偈也淑之父曰總既孕而卒故淑為婦借竄南海上及移永州州之騷人多李之舊日載酒往焉聞其操鳴絃為新聲撫節而歌莫不感動其音美其容以忘其居之遠而名之辱方幸其若是也元和五年五月十九日積疾卒于湘水

之東葬東岡之北垂年二十四 **朗州員外司戶薛君妻崔氏墓誌** 唐永州刺史博陵崔簡女諱媛嫁為朗州員外司戶河東薛巽妻三歲知讓五歲知戒七歲能女事善筆劄讀書通古今其暇則鳴絃桐諷詩騷以為娛始簡以文雅清秀重于當世其後病惑得罪投驩州諸女蓬垢涕號柳氏出也以叔舅命歸于薛元和十二年五月二十八日既乳病肝氣逆肺牽拘左腋巫醫不能已

期月之日潔服飾容而終年若干某月日遷柩于洛某月日祔于墓在北邙山南洛水東

墓誌式

**董府君墓誌** 公諱溪字惟深丞相贈太師隴西恭惠公第二子十九歲明兩侍側無虛口退而見其人淡若與之無情者太師賢而愛之 除名徙封州元和六年五月十二日死湘中年四十九公之母弟全素孝慈友弟公坐事棄同官令歸公歿比葬三年哭泣如始喪者大臣高其行白為太子舍人將

葬舍人與其季弟澥問銘于太史氏韓愈愈則為之銘韓退之 **處士裴君墓誌** 河東聞喜裴君諱某字某好學未仕年若干元和十四年月日終于京兆渭南墅君之弟中丞公督桂州命其僚柳宗元以銘君之出河間邢羣以

狀來告曾祖諱某寧州刺史贈戶部尚書祖諱某起居郎父諱某尚書刑部員外郎 是年月日葬渭南某里遷韋夫人之喪自萬年來有侯猶異室椰子厚

**從父弟宗直殯** 從父弟宗直生剛健好氣自字曰正夫聞人善立以為已師法甚備融液曲折奇峭博麗知之者以為工作文辭淡泊尚古謹聲律切事類

與之俱 **伯祖妣趙郡李夫人墓誌銘** 夫人姓李氏辯族氏者曰趙郡志其殯 是月二十四日出殯城西北若干尺死七日矣俟吾歸



為單父尉夫人生于良族巖然殊異及笄德充于容行踐于言高朗而不傷其柔嚴恪而不害其和特善女工翦製之事又能為雅琴秦聲操縵之具婦道既備宜為君子之配偶焉我伯祖臨邛令府君諱某受夫人于李氏之廟而歸于正室諸姑合以為斯志以從人之道內夫家外父母家且又葬于我志于我故叙柳氏

為戶部郎中魏府君墓誌 魏氏世墓于某縣某原唐興有聞士諱之過者與子及孫咸舉進士嗣為儒家綿州

涪城尉諱全瑤魏州臨潢主簿諱欽慈太常主簿諱緄尚書膳部員外郎兼江陵少尹諱萬成凡五代名高而不浮于行才具而不得其祿江陵府君益之以閱達之量經緯之謀故豪士賢大夫痛慕加厚生郎中府君諱宏簡字曰裕之以文行知名由是處約以終其世既歛家宰庀其政視廩惟釜鍾視藏惟束帛無餘積焉十有一月遣車歸于洛師某日祔于墓監察御史柳宗元聞其道而玩其文也久居又同開故哀而銘之 **亡姊裴君夫人墓**

誌 柳氏至于唐其著者中書令諱奭中書之弟之子曰徐州府君諱某實有孝德世其家業清池府君諱某繼之以茂實德清府君諱某承之以善政以至于侍

御史府君諱某用貞信勁正達于邦家克生賢女以配于裴氏 其年八月十八日甲子安厝于長安縣之神禾原從于先塋祔于皇姑宜也母弟號哭而為之志

嗚呼至哀無文至敬不飾故無其辭 **亡妻宏農楊氏墓誌** 亡妻宏農楊氏諱某高祖

殿中侍御史諱某殿中生醴泉縣尉諱某醴泉生今禮部郎中凝代濟仁孝號為德門郎中娶于隴西李氏生夫人 及許嫁于我柔日既卜乃歸于柳氏 遂以

九月五日庚午克葬于萬年縣棲鳳原從先塋禮也是歲唐貞元十五年龍集己卯為之誌云

○葬誌式

**馬室女雷五葬誌** 馬室女雷五父曰師儒業進士雷五生巧慧異甚凡事

而天姿潔清脩嚴恒若簪珠璣衣純縠寥然不易為塵垢雜年十五病死死後二日葬宋州東郭東里以其姨母為妓于余也將死曰吾聞柳公嘗巧我慧我今不幸死矣安得公之文志我葬其父母不敢以云葬之日余乃聞焉 既而閱焉以攻石之後也遂為砂書玄輒追而納諸墓柳子厚

○殯誌

志從父弟宗直殯 已見墓誌 柳子厚

○權厝誌式

**刺史崔君權厝誌** 博陵崔君由進士入山南西道節度府始掌書記至府

未至永而連之人愬君御史按章具獄坐流驩州幼弟訟諸朝天子黜連帥罷御史小吏咸死投之荒外而君不克復元和七年正月二十六日卒 夫人河東柳

不當志而志之者必曰  
述其由也



氏德碩行淑先崔君十年卒其葬在長安東南少陵北君以窳沒家又有海禍力不克祔三年將復故葬也徒志其一二大者云柳子厚

亡姑渭南

縣尉陳君夫人權厝誌

唐貞元十七年九月六日甲子前渭南縣尉賴川陳君之夫人河東柳氏終於平康里將終告

于陳君曰吾生四十有四年為陳氏介婦九年謹飭不怠以至此命也嘗謂君宜有貴位而不克見執親之喪不得終紀皆天譴之大者也且願殺禮以成吾私

君權厝誌

年月日尚書都官員外郎和州刺史連州司馬富春凌君諱準卒于桂陽佛寺執友河東柳宗元哀君有道而不明白于天下離

愍逢尤夫其生且又同過故哭以為志其辭哀焉

○歸神誌式

先太夫人歸祔誌

先夫人姓盧氏諱某世家涿郡壽止六十有八元和元年歲次丙戌五月十五日棄代于永州零陵佛寺明年

某月日安祔于京兆萬年棲鳳原先侍御史府君之墓其孤有罪銜哀待刑不得歸奉喪事以盡其志姪洎太夫人兄之子弘禮承事焉靈車遠去而身獨止京堂暫開而目不見孤囚窮繫魄逝心壞蒼天蒼天有如是耶有如是耶而猶言猶食者何如人耶已矣窮天下之聲無以舒其哀矣盡天下之辭無以傳其酷矣刻

之堅石措之幽陰終天而止矣柳子厚

叔妣陸氏夫人遷祔誌

夫人諱則字內儀姓陸氏家于吳郡蓋江左上

族以宗子在他國家牒逸墜故曾王父王父之諱官不克究知而闕其文父單皇河南陸渾令夫人生而柔筭而禮會伯舅為河南尹撰擇僚案謂我文學掾仲父士林殊英儒流推高故夫人歸于我夫人之志也遂以其年十二月十三日庚午合祔于少陵原之墓恭惟仲父之諱字夫人之爵齒備于版文今不書懼再告也

○墓版文式

故叔父殿中侍御史府君墓版文

柳氏之先自黃帝及周魯其著者無駭以字為展氏禽以食采

為柳姓厥後昌大世家河東嗚呼公諱某字某曾王父朝請大夫徐州長史諱子夏遺貞白之操表儀宗門王父朝請大夫滄州清池令諱從裕垂博裕之道啟祐後龍皇考湖州德清令諱察躬小子常以無兄弟移其睦于朋友少孤移其孝于叔父天將窮我而奪其志故罔極之痛仍集焉樸魯甚駭不能文字敢用書宗人之辭以致其直故質而俚輟哭紀事哀不能文故叙而終焉柳子厚

哀辭與誄詞相通而亦有別為墓版者南豐集中蘇九明九哀詞述其子軾請乞之詞曰銘以納之墓中詞以刻之家上則南豐以哀詞作之而東坡兄弟以表碣用之也表與碣是一物皆陽碣也志



與權厝歸附以及殯志墓版異名而同物皆幽銘也隨所宜用施之在古亦無定例

金石例卷之三終

○墓版文先

金石例卷之四

濟南 潘昂霄 景梁

○銘文之始

事祖廣記云蔡邕曰黃帝有金几之銘王子年拾遺記曰黃帝以神金鑄器皆有銘題凡所造建皆記其年時此銘之起也

三禮圖云檀弓曰銘明旌也以死者為不可別已故以其

旗識之

註明旌神明之旌也

士喪禮云為銘各以其物亡則以緇

長半幅經末長終幅廣三寸書銘于末曰某氏某之

柩

註銘明旌也雜帛為物大夫之所建也以死者為不可別故其旗識識之愛之斯錄之矣亡無也無旌不命之士也半幅一尺終幅二尺在棺為柩今文

古制緇緇魚施令則純用緇矣



銘皆為名 竹杠長三尺置于宇西階上 註杠銘禮也字梧也 周禮司常

大喪則供銘旌 註王則太常 司常職云王建太常諸侯建旒孤卿建

子之旌高九仞諸侯七仞大夫五仞士三仞其士喪禮竹杠長三尺則死者以尺易仞也天子九尺諸侯七尺大夫五尺士三尺其旌旗身亦以尺易仞也又從遣車之差蓋以喪事畧故也若不命之士則士喪禮云以緇布半幅長一尺也賴其末長終幅長二尺也緇頰共長三尺廣三寸書銘於末曰某氏某之柩竹杠長三尺置于宇西階上

荀禮論云祭祀敬事其神也其銘誄繫世敬傳其名也 註銘

謂書其功于器物若孔悝之鼎銘者誄謂誄其行狀以為謚也繫世謂書其傳襲若今之譜牒也皆所以敬傳其名于後世

禮祭統銘之義稱美而不稱惡此孝子孝孫之心也銘者

論著其先祖之有德善功烈勲勞慶賞聲名於天下

前輩云銘婦人墓當詳于家世議論取法于韓退之退之

所作蓋出于碩人之詩觀其銘元稹妻韋夫人墓可

見矣

○銘式

權德輿世德銘 乃權公紀先世之德也四言無序此又一例也肅肅我祖

聿修之誠大懼不克 風夜以思敢銘世德 唐故悼玉石塔銘 并序 唐開元五年歲在丁巳四

薨于上陽之中禁曰二歲而未及周嗚呼哀哉王即開元神武皇帝第九之愛子也以其月二十七日丙申葬于萬安山之東南嶺壙惟五尺棺不三寸壘石塔一

丈于其上不雕木礮從尚薄也其銘曰南有萬安兮北有洛城城可望兮天之京嗚呼悼王寧不戀兮嗚呼悼王寧不見兮倚素塔兮凌翠微空不礙兮雲則飛嗚呼悼王兮其

何歸蘇頲 廬山女道士石碣銘 道士梁洞微也 其銘無序四言 河

中府法曹張君墓碣銘 君字直之祖驩父孝新皆為官汴宋間君嘗讀

名以見世初舉進士再不第因去事宣武軍節度使得官至監察御史坐事貶嶺南再遷至河中府法曹參軍攝虞鄉令有能名進攝河東令又有名遂署河東從

此未及二歲童子在下場以朝命為之不可為例之例也

此宗人元德昭先諸碑而自云



事絳州闕刺史攝絳州事能聞朝廷元和四年秋有事適東方既還八月壬辰死于汴城西雙正年四十有七明年二月日葬河南偃師妻彭城人世有衣冠祖好順泗州刺史父泳卒蘄州別駕女四人男一人嬰兒汴也是為銘韓退之

虞部員外郎張府君銘

尚書虞部員外郎安

定張君諱季友字孝權年五十四病卒東都塗進韓氏門伏哭庭下曰叔父且死幾于不能言矣張目而言曰吾不可無告韓君別藏而不得韓君記猶不葬也塗為書致吾意已而自署其末與封敢告以請愈既與為禮發書云云其末有複語千萬永訣八字名日月與封皆孝權述孝權為人孝謹與人語恐傷之而時

東明張先生銘

匪祿而康匪爵而榮漢焉以虛克焉以盈言而

不為華光而不為名介潔而周流苞涵而清寧幽觀其形與化為冥寂寞以成其道是以勿嬰世皆狂奔利死名我獨浩浩端一以生或曰先生友悌以道慈幼以死若不能忘情者何耶吾曰道去友耶去慈耶從容以求其得之耶盪莽狠悻道之非耶且夫虧恩壞禮枯槁憔悴隳聖圖壽離中就異歛然與神鬼為偶頑然以木石為類倥侗而不實窮老而無死先生之道固知異夫如此也乃書于石以紀柳子厚

墓銘式

李元賓墓銘

已虜元賓壽也者吾不知其所慕夭也者吾不知其所惡生而不淑孰謂其壽死而不朽孰謂之天已虜元賓才高乎當世而

行出乎古人已虜元賓竟何為哉竟何為哉韓退之

崔評事墓銘

朝之言嘻嘻夕之言怡怡偕入而出乘馬馳一印不見而死吁其悲

施先生墓銘

先生之祖氏自施父其後施常事孔子以彰讐為博士延為太尉太尉之孫始為吳人曰然曰續亦載其跡先生之與公車是

召纂序前聞于光有曜古聖人言其旨密微箋注紛羅顛倒是非聞先生講論如客得歸卑讓肫肫出言孔揚今其死矣誰嗣為宗縣曰萬年原曰神禾高四尺者

盧君墓銘

盧君東美愈謂立曰子來宜也行不可一二舉且吾之生也後不與而祖接不得詳也其大者莫若眾所與觀所與眾寡茲

可以審其德矣乃祖未出而處也天下大夫士以為與古之夔臯者俾且可以為相其德不既大矣乎講說周公孔子樂其道不樂從事于俗得所從不擇外內奮而起其進退既不合于義乎銘如是可以示于今與後也歟立拜手曰唯唯君祖子與濮州濮陽令父同舒州望江令夫人之祖延宗鄆州司馬父進成鄆州洛交

令男三人暢申易女三人皆嫁為士人妻墓在河南緱氏縣梁國之原其年月日元和二年二月十日云

大理評事胡君墓誌

胡之氏別於陳明允先河東人世勤固戴厥身籍文譜進連倫惟明允加武資誌九牛虎柔不持吏夏陽有施為去平陽民思悲河東土河陸原宜茲人肖厚完

五十七不足年孤兒啼死下官母弟証秩大夫撫君遺哭泣書友韓愈司馬徒作後銘系序初

衛府君墓銘

嗟惟君篤所信要無有契精神

以棄餘賈于人脫外累自貴珍訊來世述墓文

故相權公墓銘

權在商周世無不存滅楚徙秦羸劉之間甘泉始侯以及安丘詆訶

大理評事胡君墓誌 題應作墓銘



浮屠皇極之扶貞孝之生鳳鳥不至爵位豈多半途以稅壽考豈多四十而逝惟其不存以惠厥後是生相君為朝德首行世祖之文世師之流連六官出入屏眺無黨無讐舉世莫疵人所憐為公勇為之其所競馳

單季子墓銘

單季子其人生

愛書貧甚尤介特不苟受施讀經傳言其說數家推太史公班固書下到今橫豎鈞貫又且數十家通為書號單子史纂又取鬻老管莊子思晏孟下到今其術自儒墨名法至于狗彘草木凡有益于世者為子纂又百有若干家篤于聞不以仕為事黜陟使其書以氏名聞除太子校書某年月日死宋州祁陽縣某鄉將死嘆曰寧有聞而窮乎將無聞而豐乎寧介而躓乎將潤而遂乎葬其鄉後若干年柳先生來宋州感其文不大於世求其墓以石銘銘曰困其獨豐其辱柳子厚

善人白公墓銘

齒以德尊師以道存習俗以教遷惟仁人君子之所居若時雨然羽山之顏疵癘為蠲媿心發之彥方學業復于譙

玄禮所以祠鄉長者而傳書先賢在昔兵也河曲雄邊爰及公家乃誦乃絃身為義方奉之周旋兩息踰踰起為儒先爰彼熒臺火伏在泉振而鼓之有光屬天仲也銅章惠浹岐岬叔也奉璋入侍禁垣藹兮芝蘭之庭炯兮珠玉之淵州里趨風媚學躑躅至于餘波所及且孝弟而力田古有之種德欲深望歲百年有相之道理無空捐祿匪我榮殆以為黨塾無窮之傳樂石有銘表公之降異時配縣社之食尚有攷焉元遺山

墓誌銘式

裴君墓誌銘

裴為顯姓入唐尤盛支分族離各為大家惟公之象德隆位細

何壽之不遐而祿之不多謂必有後其又信然耶韓退之

薛君墓誌銘

官不遂歸譏于時身不得年又將尤誰世再絕而紹祭以不隳

韋夫人墓誌銘

詩歌碩人爰叙宗親女子之事有以榮身夫人之先累公累卿有赫外祖相我唐明歸逢其良夫夫婦婦獨不與年

而卒以天實生五子一女之存銘于好辭以求於聞

李公墓誌銘

高其上而坎其中以為公之宮奈何乎公

誌銘

有位有年有弟有子從先人葬是謂受祉

石公墓誌銘

生之艱成之又艱若

韋公

墓誌銘

武陽受業始于太師以官讓兄自待不疑勤于紫閣取益以卑可謂有源卒用無疵謙謙為人矯矯為官爰及江西功德具完名聲之下獨處

為難辯而益明仇者所歎碑于墓前維昭美故納銘墓中以識公墓

畢君墓誌銘

上古愛民為官求人苟可

人自求官退而緩者身後人先故廣平死節而子不荷其澤王屋謹廉而神不福其謙嗚呼天與人苟無傷其穴與墳

盧丞墓誌銘

宏農諱懷仁沂諱璣襄陽諱某今年實元和六年

苗君墓誌銘

有行以為本有文以為華恭以事其職而勤以嗣其家位卑而無年

孔君墓誌銘

危義孔君茲惟其藏更千萬年無敢壞傷

杜君墓誌銘

杜氏大家世有顯人承繼綿綿



以及公身始為進士乃篤朋友及作大官克施克守纂辭奮筆渙若不思公牒盈前笑語指麾祿以給求食以會同不畜不收庫廩虛空事在於人日遠日忘何以傳之刻  
**盧渾墓誌銘** 前汝父母右汝兄汝從之居視汝如生遷汝居兮日此銘章 月之良汝居孔固兮後無有歿如不信兮視此銘章

**息國夫人墓誌銘**

男主外事治不為易施於其家難甚吏治又况公侯族大而貴夫人是專厥聲惟懿昔在貞元有錫自天啟封

備服以疇時勳婉婉夫人有籍宮門克承其後以嫁以婚隨葬東土在河之陽遙望公墳而不同藏

**王君墓誌銘**

鼎也不可以柱車馬也不

可使守闕佩玉長裾不利走趨祗繫其逢不係巧愚不諧其須有御不祛鑽石埋辭以列幽墟

**扶風郡夫人墓誌銘**

幽陰

坤從維德之恒出為辨強乃匪婦能淑哉夫人夙有多譽來嬪大家不介母父有事實祭酒食祗飭協于尊章畏我侍側及嗣內事亦莫有施齊其躬心小大順之

夫先其歸其室有五合葬有銘壺爨是收

**李君墓誌銘**

不羸其躬以尚其後人

**乳母墓誌銘**

乳母李徐州人號正

真入韓氏乳其兒愈愈生未再周月孤失怙恃李憐不忍棄去視保益謹遂老韓氏及見所乳兒愈舉進士第歷佐汴徐軍入朝為御史國子博士尚書都官員外郎河南令娶婦生二男五女時節慶賀輒率婦孫列拜進壽年六十四元和六年三月十八日疾卒卒三日葬河南縣北十五里愈率婦孫視窆封且刻其語于石納諸墓  
**盧太醫墓誌銘** 岐黃聖學炳如日星苟非其人道不虛行惟尚藥為銘 公有得內經探病之源起死而生為醫作鏡底裏

洞明道風既扇取重漢廷陽報沓來壽考康寧儵然坐逝歸神太清大河安流扶衛厥靈扁鵲湯陰實魏大名遙遙華胄復起魏京古今世業前後家聲遺書具在

永為世程元遺山

**張君墓誌銘**

履潔修體柔嘉內美充福不遐哀哀蒼天孰使然耶天耶人耶其父母耶從容以思其得之耶茁其

芽鬱其華其實孔多父播而子獲穰穰滿家故曰其源濫觴其流江河淵兮其未涯不有以浚之其末奈何然則古所謂不于其躬必于其子孫者尚信然耶尚信

墓碣式

**河中府法曹張君墓碣銘**

已見銘式

**蘧然子墓碣銘**

蘧然子諱滋字濟甫姓趙氏本

出馮翊其大父天會貞元間來為汴梁戶籍判官卒官下妻子不能歸遂為汴人父諱青字漢卿蘧然子三男長某次某兵亂中所失小子尚幼二女次即孟卿所娶者蘧然子春秋五十有九以病終權葬于東平沂州門之外若干步庚子歲除甲子實銘之其銘曰積之之深守之之堅傳人之所不傳兼人之所獨專自拔泥塗如蛻而仙文以表之慰彼下泉顧  
**張遵古墓碣銘** 茫茫之原纍纍之雖愛我豈以一言而敢私焉元遺山 阡行人而歸何千萬年有子而傳孰不欲揚其先今君獨然修德則人而而不亡則天吾是以知其人之賢

但書道統



王獻之有保母碑志  
則用碑之制自魏  
晉有之○古之書碑  
者多刻石者少凡  
葬場宜酌用此例

○墓甄銘

下殤女子墓甄銘

孰致也而生孰召也而死焉從而來焉往而  
止魂氣無不之也骨肉歸復于此椰子厚

小姪

女墓甄銘

字為雅氏為柳生甲申死已丑日十二月在九是日葬東岡首  
生而惠命則天始也無令何有質之微當速朽銘茲瓦期永火

○壙銘式

女挈壙銘

汝宗葬于是汝安歸  
之惟永寧韓退之

唐王居士碑壙之銘以居士歸佛故用彼家法以壙為塋而刻石焉此自彼例也

金石例卷之四終

金石例卷之五

濟南 潘昂霄 景梁

○古墓表式

蔡致遠墓表

周景和墓表

周無晦墓表

李德元墓表

楊希節墓表

智氏夫人墓表

司馬夫人墓表

宋夫人墓表

呂氏夫人墓表

唐元夫墓表

○今墓表式

文通先生陸給事墓表

郡人陸先生質以其師友天水啖助泊趙匡能  
知聖人之旨故春秋之言及是而光明使庸人

小童皆可積學以入聖人之道傳聖人之教是其德豈不侈大矣哉先生字某既  
讀書得制作之本而獲其師友於是合古今散同異聯之以言累之以文蓋講道



者二十年書而志之者又十餘年其事大備為春秋集註十篇辯疑七篇微旨二篇用是為天子爭臣尚書郎國子博士給事中皇太子侍讀皆得其道刺二州守人知仁求貞年侍東宮言其所學為古君臣圖以獻而道達乎上是歲嗣天子踐祚而理尊優師儒先生以疾聞臨問加禮某月日終于京師某月日葬于某郡某里將葬以先生為能文聖人之書通于後世遂相與謚曰文通先生後若干祀有學其書者過其墓哀其道之所由乃作石以表碑柳子厚 殿中

**侍御史柳公墓表** 唐貞元十二年二月庚寅葬我殿中侍御史河東柳公于萬年縣之少陵原公諱某字某邑居于虞鄉曾王父

某官王父某官皇考某官奕世餘慶叢而未稔濟德流祉其後宜大秀而不實為善者惑嗚呼哀哉 故友諸生宗人外姻號慟會葬哀禮咸申克定玄堂掩坎廣輪顧盼無依徘徊哀願勒休聲延垂後賢於是汝南周公巢等相與琢石書德用圖不朽文曰抱元淳稟粹和既強毅又柔嘉登儀曹耀文章司學徒儒風揚自渭北佐朔方戎政閑黔首康冠惠文垂衣裳才不施天茫茫刊樂石篆遺德延休烈垂憲則于萬年長無極 **朝列大夫張公墓**

**表** 公諱公著字庭俊姓張氏初名宗以夢兆改焉世為太原陽曲人曾大父某知宋將亂隱居不仕大父祐好讀書尤長于術數卜葬東山之大石谷自言却後三十年吾宗當有文達者已而果然考諱某資稟寬緩輕財好施以詩書棋酒自適後因公貴封朝列大夫生三子公其季也 先大夫履正奉公惟義所在死生禍福無所顧藉天下大夫士飽聞而厭道之果得掛名表誌自託不腐鄉里晚生預有榮焉敢不唯命是聽乃退而論次之而系之以銘銘曰平易而仁卓魯之近

民發奸擊強趙張三王之所以神此在公為一節固已無望于時之人若夫確固而不移質直而無文直前徑行唯義所存有言責則致其忠有官守則致其身名節凜然獨為不二心之臣聞公之風 **御史張君墓表** 謹按中奉大夫故益知鄙夫之不可以事君元遺山 治書侍御史守申

州刺史張君諱汝明字子玉世家汶上曾大父靖大父彥皆潛德弗耀父恕用君貴贈中議大夫母程氏清河郡太君君三歲喪父母程故衣冠家而有賢行力課君學君亦能自樹立如成人弱冠擢大安元年經義進士第 君資稟厚重與人交敦仁義平居恂恂似不能言及當官而行剛介有守論議純正人不能奪仕宦三十年家無餘資其他尚多可稱弗著著不為窮達易節者銘曰汶之洋洋思聖有堂禮樂衣冠此為之鄉維御史君尤魯士之良沉潜而剛者艾而敦龐可以為公卿大臣訓于四方昔往矣秉筆帝傍藹然粹温如珪如璋今來斯微服裹糧衡門棲遲詠歌虞唐謂其逢也耶茫乎及夜舟之藏其不逢也耶泰焉如晚節之昌抱明月而長終懷舊俗而不忘在君為樂天而識者涕滂淋漓深而蘭芳風雨如晦而雞鳴有常世無良史久矣孰為發幽潛之光 **司農丞康**

**君墓表** 君諱錫字伯祿姓康氏世為寧晉人 中崇慶二年進士第釋褐櫟陽簿警巡判官辟彭原令入為尚書省掾考滿遷開封府判官尋拜監察御史言宰相侯摯師安石非相材提點近侍局宗室安石聲勢焔焔公門請托不可使久在禁近朝議偉之選授右司都事遷京南路大司農丞破上蔡諸縣羣不逞把持之黨彈種人以賍污尤狼籍者五六輩宰相有不說者云康錫不欲吾種人在仕路耶因以飛語中之出為河中府治中充行尚書六部郎中城陷投水死



時年四十八 陽曲令周君墓表

君諱昂字器之姓周氏世為定襄人遷陽曲令

明年雁門破兵勢駸駸而南鄉曲以太原不可保趣君弟獻臣就謀去就君為獻臣言城不保必矣我臣子也尚欲逃死乎獻臣欲挈君妻子以出君又不可曰吾守官于此而不以妻子自隨是懷二也吾弟往吾死于此矣乃與之泣別于北門之外是歲城陷沒于兵實興定二年九月六日也得壽三十有七官奉直大夫

史邦直墓表

邦直諱元姓史氏世為武陟人某年遷河內乃占籍焉 遷管

授彭城令尋轉充觀察判官危急存亡之際多所建白仲德甚倚重之喪亂後開關東歸歲戊戌十二月二十有六日春秋五十有七以疾終于州之私第邦直為人軀幹雄偉望之如羽人劍客而處事詳雅倉猝無失 御史孫公墓表 大

中內帑被盜所失皆慈聖宮珠貝上怒甚公時為監察御史被詔按其事而無迹可尋法官讞疑欲棄守者市公執奏緩之會赦得原汴民李氏女有姿色已許嫁矣首相白撒之姪恃勢奪婚且欲以為妾夫家訴于官官畏徇不為理遂許于公公為奏聞詔還已許八年親享太廟鄰國夫人温敦氏過廟門而不偃蓋公劾奏以為失臣妾禮上不忍加姨母罪勅有司杖御者百仍罰俸以愧之舊制承天門非犒軍不登一日上無故登焉公奏人主不可示民不信上即日為公犒軍廣實辛卯以來雖軍出屢勝而亡敵已具危急存亡之際大夫士以自保為幸或高蹈遠引脫屣去而公獨正色立朝耿耿自信言事數十條藹

然有承平之風 公諱德秀字伯華其先涇州長武

曹徵君墓表

歲丙午秋九月

人大父臯遭靖康之亂流寓太原之文水因家焉 日曹徵君子玉以疾終于襄陰之寓舍春秋七十有四嗚呼哀哉世豈復有敦龐者艾之士如君者乎 君諱珏姓曹氏子玉其字也 君既老自號囂囂老人有

卷瀾集三卷藏於家銘曰仁信而篤誠寬博而和平以儒行概之眾善具并何負于人而不能百齡豈無百齡孰愈君之名城郭千年貞石有銘曰是維子曹子之墓尚可以為善人白公墓表 公諱某字全道姓白氏 公資稟聰悟而鄉人之榮也 謹厚自持畧通經史精究歷算中年耽嗜

佛書皆所成誦為人敦信義樂施與一言所諾千金不易家人化之皆以賢行稱焉正大中累贈中大夫輕車都尉南陽郡伯兩夫人南陽郡太君維火山自太平興國中升為軍雖有學校而肄業者無幾宣和末僅有上舍宋生歷大定明昌官學之盛然後公之二子擢魏科取美仕邦人築亭以榮鄉名之屏山李君之純為

作記辭與事稱相為不朽故公雖躬不受祀

南峯先生墓表

先生諱豫字彥先姓呂氏懷州

所以起其家與善化一鄉者其利豈有既耶 修武人祖道父琰皆力田為業先生自成年知讀書既冠游學東州以易為專門經明行修高出倫輩醇德先生王廣道特器重焉一時名士如秀容折安上濟陽王善長安陽苗景藩館陶段彥昌冠氏孫希賢田子發從之學者甚眾故家近太行五峯山因為號示不忘本也 有易說若干卷 施州房使

君鄭夫人殯表

夫人之先出於周以鄭為氏因初侯曾祖諱隨祖諱珩厥考諱絳咸垂休歸于房宗生九子左右黍稷祠春秋道順

書徵君

書善人

書道號



德嚴顯且裕宜壽而富今何謬永貞冬  
至前四日寓殯墳此非其正韓退之

故宏農令柳府君墳前石表

少陵原柳氏之大墓唐貞元十九年某月日孤某奉其先府君洎夫人之喪祔于  
其位由新墓而南若干步曰高祖王父蘭州府君諱某字某之墓又東若干步曰  
曾祖王父邠州府君諱某之墓西若干步曰祖某王父司議郎府君諱某之墓咸  
異兆而相望昭穆之有位序壤樹之有豐殺皆如律令府君諱某字某由父任為  
太廟齋郎更許昌陽武伊闕華原尉王屋丞汝陰令為宏農二年推其誠心裕于  
其人年五十五建中二年某月日卒于官以其素廉家之蓄不足以充凶事遂

殯于是邑  
柳子厚

先侍御史府君神道表

嗚呼先君之墓仲父殿中君誌焉  
孤宗元不敢稱道先德然而無以

昭于外者用敢悉取仲父之所陳而繁其辭刻茲石表先君諱鎮字某六代祖諱  
慶後魏侍中平齊公五代祖諱曰周中書侍郎濟陰公高祖諱楷隋刺齊房蘭廓  
四州曾伯祖諱真字子燕唐中書令曾祖諱子夏徐州長史祖諱從裕滄州清池  
令皇考諱察躬湖州德清令世德廉孝颺於河澨士之稱家風者歸焉嗚呼宗  
元不謹先君之教以陷大禍幸而緩于死既不克成先君之寵贈又無以寧太夫  
人之飲食天殛薦醜名在刑書不得手開哀堂以奉安祔罪惡益大世無所容尚  
顧嗣續不敢即死支綴氣息以嚴邦刑大懼祭祀之無主  
臨海弋公阡表  
以忝盛德敢用特性昭告神道號叫萬里以畢其辭云  
公諱潤字天澤姓弋氏系出臨海占籍汝州之梁縣者不知其幾昭穆矣大父整  
生二子長曰洪次曰海洪娶張氏二子曰祐曰福海娶酒氏公其所生子也弋氏

自先世不異財公早孤能自樹立如成人事從兄祐殊恭遜祐嘗以事客內鄉者  
二十年比還公殖產倍於舊祐歸求分居公謂祐言家所有皆父兄所積潤但謹  
守僅無損耗耳兄幸歸請悉主之潤得供指使足矣祐悔悟曰吾弟忠敬如此我  
乃為讒口所間慚恨無所及尚欲言分異耶乃更相友愛  
壬辰河南破公挈家  
避于西山山柵破公家亦被驅逐一卒見公稠人中請于主帥云此吾鄉善士其  
縱遣之帥遣公舉家去是夜所俘悉阮之里社為空公家獨全親舊嘆曰為善之  
報見之今日矣明年春鄉郡遊騎徧滿公自度不能  
受辱乃自投水中得年若干實某年月日也元遺山

墳記式

韋夫人墳記

韋夫人終成都殯萬年遷柩渭南祔而不合大葬未利以俟禮  
也其族系如某人之誌塋用元和十四年月日子某為石刻而

納諸壙  
柳子厚

誄式

衡州刺史東平呂君誄

維唐元和六年八月日衡州刺史東平呂君卒  
爰用十月二十四日藁葬于江陵之野嗚呼君

有智勇孝仁惟其能可用康天下惟其志可用經百世不克而死世亦無由知焉  
君由道州以陟為衡州君之卒二州之人哭者逾月湖南人重社飲酒是月上戊

誄之名始見於論語  
而蘇記魯哀公為子  
尼父之詞其歸也亦  
甚古矣



不酒去樂會哭于神所而歸余居求州在二州中間其哀聲交於北南舟船之下  
 上必呱呱然蓋嘗聞于古而觀于今也君所居官為第三品宜得謚于太常余  
 懼州吏之逸其辭也私為之誄以志其行其辭曰麟死魯郊其靈不施濯濯夫子  
 故潔其儀冠仁服義干櫓書詩忠貞繼佩智勇承綦跨騰商周堯舜是師道不勝  
 禍天固予欺鬼神不怒妖孽咸疑何付之德而奪其時嗚呼哀哉命姓惟呂勤唐  
 以力輔寧萬邦受胙爾國惟師元聖周以降德世征五侯伊祖之則嗣濟厥武前  
 書是式至於化光爰耀其特春秋之元儒者咸惑君達其道車焉孔直聖人有  
 由我而得敷施變化動無不克推理惟公舒文以翼宣于事業與古同極道不苛  
 用資仕乃揚進于禮司奮藻含章決科聯中休問用張署讐百氏錯綜逾光超都  
 諫列屢皂其囊帝殊爾能人服其智戎悔厥禍欵邊求侍盛選邦良難乎始使君  
 登御史贊命承事風動海壖皇威以致來總征賦甲茲郎吏制用經邦時推重器  
 諸臣之復周官匪易漢課牋奏鮮云能備君自他曹載出其技筆削自任羣儒革  
 議正郎司刑邦憲為臬糾佞肅邪諛諛具畏遷理於道民服沐嘉恩踈若昵惕邇  
 如遐實閉其閣而撫千家載其愉樂申以舞歌賦無吏迫威不刑加浩然順風從  
 令無譁繇蠶外邑我繭盈車雜耕隣邦我黍之華既字其畜亦藝其麻馨鼓斯屏  
 人喜其多始富中教興良廢邪考績既成玉用興嗟陟于嶽濱言進其律號呼南  
 竭謳謠北溢欺吏悍民先聲如失逋租匿役歸誠自出兼并既息罷羸乃逸惟昔  
 舉善盜奔于隣今我興仁化為齊人惟昔富人或賑之粟今我厚生不竭而足邦  
 思其弼人戴惟父善胡召災仁胡罹咎俾民伊怙而君不壽矯矯貪凌乃康乃茂  
 嗚呼哀哉廩不餘食藏無積帛內厚族姻外賙賓客恒是懸罄逮茲易簣僅無凶

服葬非舊陌嗚呼哀哉君昔與余講德討儒時中之與希聖為徒志存致君笑諒  
 唐虞揭茲日月以耀羣愚疑生所怪怒起特殊齒舌嗷嗷雷動風驅良辰不偶卒  
 與禍俱直道莫試嘉言罔敷佐王之器窮以郡符秩在三品宜謚王都諸生  
 羣吏尚擁長圖故友咨懷累行陳暮是旌是告永永不渝嗚呼哀哉柳子厚

虞鳴

鶴誄

維某年月日前進士虞九皋字鳴鶴終于長安親仁里既克葬于高陽原  
 二三友生皆至于墓哀其行之不昭于世追列遺懿求諸后土申薦嘉名

實曰恭甫乃作誄曰吳虞之分爰宅上陽其後優游在越為鄉延詡輔漢恢定封  
 疆東徙之賢時惟仲翔曰預曰喜在晉克彰義篤斯文有苾其方秘書多能垂耀  
 于唐泊于漢陽世德以昌毗贊尚父休徽用揚惟我先君並時翺翔洽主記室蔚  
 其輝光實莽伯仲永求不忘漢陽元子實紹其美傳襲儒風彪炳文史克恭以孝  
 惟禮是履譽洽於鄉論為秀士百郡之選叢於京師昧沒騰籍乘凌蔽欺生之始  
 至則奮其儀退默以謙人悅而隨名卿是挈先進咸推方出羣類振耀于時禍丁  
 舅氏漂淪海沂捧訃號呼匍匐增悲喪有幼主禮或多違孰徇于名而不是思投  
 袂就道乘艱若夷竭誠喪具申敬裳惟萬里來復祇祔于墓遽不凌節儉而有度  
 由其溫恭守以貞固行道咨嗟觀禮興慕復從鄉賦煥發其華克不再舉聞于邦  
 家倚閭千里歡味斯多姻族盈門載笑且歌君之不淑各立志沮慶歸其鄉身終  
 逆旅生死已間壽觴方舉賀書在途委骨歸土哀歡易地弔慶交尸神胡不仁降  
 此大苦嗚呼哀哉惟昔夏首羈貫相親通家修好講道為鄰既冠于阼思致其身  
 升于司徒及爾繼年交歡二紀莫間斯言愉乎其和確爾其堅更為砥礪咸去韋  
 紘今則遽已吾其缺然嗚呼哀哉誄行謀謚惟古之道生而無位歿有其號惟是



友生徘徊顧悼爰用壹惠幽明是告温温其恭惟德之經先民有作今也是旌嗚呼恭甫欽此嘉名

○行狀式

惟韓退之董公行狀如式開書餘並疏始末于其下文體之異隨事詳酌焉

故金紫光祿大夫檢校尚書左僕射同中書門下平章

事兼汴州刺史充宣武軍節度副大使知節度事

管内度支營田汴宋毫潁等州觀察處置等使上

柱國隴西郡開國公贈太傅董公行狀

曾祖仁琬皇任梁州博士

祖大禮皇贈右散騎常侍

父伯良皇贈尚書左僕射

公諱晉字混成河中虞鄉萬歲里人

階累升為金紫

光祿大夫勲累升為上柱國爵累升為隴西郡開國公

娶南陽張氏夫人後娶京兆韋氏夫人皆先公終四子

全道溪全素澥全道全素皆上所賜名全道為秘書省

著作郎溪為秘書省秘書郎全素為大理評事澥為太

常寺太祝皆善士有學行謹具歷官行事狀伏請牒考

功并牒太常議所謚牒史館請垂編錄謹狀

貞元十五年五月十八日故吏前汴宋毫潁等州

觀察推官將仕郎試秘書省校書郎韓愈狀

唐故贈絳州刺史馬府君行狀

君諱某字某其先為嬴姓當周之衰處晉為趙氏晉亡而趙氏為諸

侯其後益大與齊楚韓魏燕為六國俱稱王其別子趙奢當趙時破秦軍闕與有功號馬服君子孫由是以馬為氏拜太僕少卿疾病一年貞元十八年七月二



鄉里年歲姑在此

十五日終于家凡年四十有五其弟少府監暢上印綬求追贈贈絳州刺史布帛百疋 夫人滎陽鄭氏王屋縣令况之女有賢行侍君疾逾年不下堂食菜飲水藥物必自擇將進輒先嘗方書本草恒置左右子男二人赦前左衛倉曹參軍敷右清道率府曹參軍女子二人在室雖皆幼侍疾居喪如成人愈既世通家詳聞其世系事業今葬有期日從少府請掇其大者為行狀託立言之君子而圖其不朽焉 故銀青光祿大夫右散騎

常侍輕車都尉宜城縣開國伯柳公行狀

如韓退之文但多開州縣鄉里姓名

并年耳 曾祖善才皇荆王侍讀

祖尚素皇潤州曲阿縣令

父慶休皇渤海

郡縣丞贈蔡州刺史工部尚書

汝州梁縣梁城鄉思義里柳渾年七十四狀

公字惟深其先河東人

夫其子恭父慈善行也拊循制理能政也直廉潔靜儉德也拒疑獨斷明識也冒危以捍牧圉大節也犯顏以陳訃謨至忠也有一于此尚宜旌褒矧茲備體焉可以已固當飾以榮號章示後來而故吏遺孤淪寓遐壤

久稽曩典罪在宗屬敢用評隲舊行敷贊遺風若乃揚孔氏褒貶之文舉周公懲

勸之法微于誅謚

故秘書少監陳公行狀

五代祖某陳宜都王 曾祖某皇會稽郡司馬 祖

則有司存謹狀

某皇晉陵郡司功參軍

父某皇右補闕翰林學士贈秘書少監

某州某縣某

鄉某里陳京年若干狀

公姓陳氏自潁川來隸京兆萬年曾貴里諱京既冠字

曰慶復舉進士為太子正字咸陽尉太常博士左補闕尚書膳部考功員外郎司

封郎中給事中秘書少監自考功以來凡四命為集賢學士德宗登遐公病痼與

曳就位備哀敬之節由是滋甚遂以所居官致仕貞元二十一年四月二十五日

終于安邑里 夫其忠烈之褒也相府之有誠也太廟之東向也昭陵之不更其

故也官守之不可奪也立言之不可誣也利之不苟就也害之不苟去也其忠類

朱雲其孝類顏考叔其廉類公儀休而又文以文之學以輔之而天子以為之知

既得其道又得其時而不為公卿者病也故議者咸惜其始而哀其終焉公之喪

凡五十四日而夫人又歿也夫人之父曰偕司農卿祖曰某贈太子太保某故

集賢吏也得公之遺事于其家書而授公之友以誌公之

墓謹狀求貞元年八月五日尚書禮部員外郎柳宗元狀

韓昌黎先生行

狀 李翱 前式大抵相類故止 附見其目當意推之後做此 吏部侍郎沈公行狀 杜牧 御史大夫

清河公崔公行狀 國子祭酒韓洄行狀 權載之 宣州觀察

使王凝行狀 司空表聖 尚書戶部侍郎蔡公行狀 歐陽永叔 司封員外

郎許公行狀 歐陽文忠公行狀 吳充 司馬溫公行狀 蘇子瞻

○論行狀語錄

朱子語錄云韓文千變萬化無心變歐陽有心變杜祁公

書其名者持此之太史公常議語而作也

史公常議語而作也

史公常議語而作也

史公常議語而作也

史公常議語而作也

史公常議語而作也

史公常議語而作也

史公常議語而作也



墓誌一件未了又說一件韓董晉行狀尚稍長權德輿作宰相神道碑只一板許歐蘇便長了

○名號稱呼類

大行

李善文選註周書曰謚者行之跡是以大行受大名細行受細名風俗通曰皇帝新崩未有定謚故總其名曰大行皇帝

禮記曰天子死曰崩諸侯曰薨大夫曰卒士曰不祿庶人

曰死

註異死名者為人褻其無知若猶不同然也自上顛壞曰崩薨顛壞之聲卒終也不祿不終其祿死之言漸也精神漸盡也

禮記曰天王崩告喪曰天王登假措之廟立之主曰帝

假音

選莊子其死登假三年而形遽辨證楚辭遠遊云載營魄而登霞兮掩浮雲而上征朱氏註曰霞與遐同猶曰適遠云爾曲禮告喪之辭乃又借以為死之美稱莊子作登假蓋亦此例但此篇註者遂解為赤黃之氣釋莊音又讀假為格而訓至焉則其誤愈遠矣

禮記曰壽考曰卒短折曰不祿

注祿謂有德行任為大夫士而不為者老而死從大夫之稱少而死從士之稱

王父曰皇祖考王母曰皇祖妣父曰皇考母曰皇妣夫曰

皇辟生曰父曰母曰妻死曰考曰妣曰嬪

韓魏公祭式元遺山記其大畧姑錄之古人書曾祖皇祖

皇考魏公易皇以顯字顯曾祖顯曾祖妣顯祖顯祖

妣顯考顯妣妻先亡曰顯嬪妻祭夫曰顯辟穆甫兄

弟曰顯穆甫

諸三品官以上職事官身故者若係親賢勲舊皆有司錄

奏取旨贈官

官職未至而特旨追贈者不拘此限

諸謚職事以上三品散官二品以上從吏部勘當善惡仍

下所屬追取行狀關移禮部呈省聞奏若有旨議謚

合制人臣之家不得書皇字則不得書嬪字不可不知



即下太常寺擬謚訖申省議定奏聞

如有司不以時降行亦許本家陳請其

官職未至而德行超異者特旨議之人亦准此

士大夫家有日者宜仿此為之

古金石例云南京赤倉高太皇祖塋作昭穆葬小兒子死

共葬一處謂之學堂小女共葬一處謂之繡堂別有

乳母墳師友墳師友墳以葬門客等

○時忌字樣類

古金石例云不敢稱皇字與隧字

就今日雖寶錄等字皆所宜避此則隨時酌量無例可言

○書碑額例

真字八分書謂之題額篆字則云篆額

今畧舉一二式附于後并撰書建立附

夫子廟堂記

駕部郎中程浩撰

朝議郎判尚書武部員外郎瑯琊顏真卿書

朝散大夫檢校尚書都官郎中東海徐浩篆額

唐天寶十一載歲次壬辰四月乙丑朔二十二日

丙戌建在記後

重修蜀先主廟碑

儒林郎前鄭州防禦判官提舉學校常平倉事武騎

尉賜緋魚袋王庭筠撰書篆

柳州羅池廟碑

尚書吏部侍郎賜紫金魚袋韓愈撰



中書舍人史館修撰賜紫金魚袋沈傳師書

朝議郎桂管觀察大使試太常寺協律郎上柱國陳

曾篆額 此與建立俱在碑後

長慶二年正月十一日桂管都防禦先鋒兵馬使

朝散大夫試左衛長史孫季雄建立

○書碑陽例

蘇子瞻韓文公廟碑小字本後云軾再啟 題于後

○書碑陰例

後周尉遲迥碑在相下刻云蔡有隣書并陰 又寶刻叢編云漢劉熊碑亦有碑陰

○僧碑

論僧碑宜書不宜書 柳子厚大明和尚碑陰凡葬大浮圖無竈穴其用于碑不宜然昔之公室禮得用碑以葬其後子孫因宜不去

遂銘德行用圖久于世及秦刻山石號其功德亦謂之碑而其用遂行然則雖浮圖亦宜也凡葬大浮圖其徒廣則能為碑晉宋尚法故為碑者多法梁尚禪故碑多禪法不周施禪不大行而律存焉故近世碑多律凡葬大浮圖未嘗有比正尼主碑事今惟無染實來涕泪以求其志益堅又能言其師他德尤備故書之碑陰 宋景文筆記論僧碑不宜書

○論碑文合書不合書

歐陽永叔陳文惠公神道碑 公諱堯佐前娶曰杞國夫人宋氏後娶曰沂國夫人王氏子男十人長曰述古 秦

公三子長曰堯叟為樞密使同中書門下平章事季曰堯咨為武信軍節度使皆舉進士第一人及第三子已貴秦公尚無恙每賓客至其家公及伯季侍立左右坐客蹙躡不安求去秦公笑曰此兒子輩耳故天下皆以秦公教子為法而以陳氏世家為榮公之孫四十人曾孫二人合伯季之後若子若孫若曾孫六十有八人女若孫曾五十有四人而仕于朝者多以材稱于時嗚呼可謂盛矣 其文如此皆所宜書者故備列之云

齊人曹元野云濟南李昌道作李千戶先塋碑其間不書

漢碑陰甚多例不止此柳子厚先友記即碑陰也



李千戶之妻某氏只寫子幾人其妻怒元野添上說  
知昌道公言不可書為婦人未終如何敢書婦人此  
是前輩所傳如此

○書銘陰例

唐相國房公德銘之陰

房瑄也 天子之三公稱公王者之後稱公諸侯

其道而師之稱曰公楚之僭凡為縣者皆曰公古之人通謂年之長者曰公  
唐之大臣以姓配公最著者曰房公房公相玄宗有勞于蜀人咸服其節相肅  
宗作訓于岐人咸尊其道惟正直慈愛以成于德用是進退所居而事理辯所  
去而人哀號理袁人袁人不勝其懷為文士趙郡李華銘公之德亂故不克立  
今刺史太原王涯嘉公之道猶在乎人人不忘公之道為之刻石 王公嘗以  
機密匡天子于禁中遵公之道刺于我邦承公之理又能尊公之德起遺文以  
昭前烈則其入為卿士三公也孰曰不宜吾懼其去  
我也遽願書于銘之陰用求表于邦之良政柳子厚

大抵碑陰之刻多附書他人漢碑多附德故史柳子厚則記先友此則以王涯能繼房公之理而  
為之刻石故云附驥之意耳亦 漢碑有附記其子弟及他人事行者此不可以一律言之

金石例卷之五終







崔評事墓銘二十卷 清邊郡王楊燕竒碑文二十卷 河南少尹

裴君墓誌銘二十卷 國子助教薛君墓誌銘二十卷 江西觀察

使韋公墓誌銘二十卷 國子司業竇公墓誌銘三十卷 太原府

叅軍苗君墓誌銘三十卷 清河郡公房公墓誌銘二十卷 銀青

光祿大夫贈工部尚書太原王公神道碑二十卷 殿中侍

御史李君墓誌銘二十卷 朝散大夫商州刺史除名徙封

州董府君墓誌二十卷 秘書少監贈絳州刺史獨孤府君

墓誌銘二十卷 檢校尚書左僕射統軍劉君墓誌銘二十卷 監

察御史衛府君墓銘二十卷 河南令張君墓誌銘三十卷 鳳翔

隴州節度使李公墓誌銘三十卷 江南觀察使中大夫洪

州刺史中丞贈常侍太原王公神道碑銘三十卷 司徒侍

中中書令贈太尉許國韓公神道碑銘三十卷

先叙家世

興元少尹房君墓誌銘二十卷 集賢校理石君墓誌銘二十卷

河南府王屋縣尉畢君墓誌銘二十卷 中散大夫河南尹

杜君墓誌銘二十卷 銀青光祿大夫襄陽郡王平陽路公

神道碑銘二十卷 故相權公墓銘三十卷 柳子厚墓誌銘三十卷 昭

武校尉守左金吾衛將軍李公墓誌銘二十卷 朝散大夫

尚書庫部郎中鄭君墓誌銘二十卷 朝散大夫越州刺史

薛公墓誌銘二十卷 中大夫陝府左司馬李公墓誌銘三十卷



號州司戶韓府君墓誌銘三十卷韓滂墓誌銘三十卷

不書家世而書履歷

李元賓墓銘二十卷

不書家世履歷而言丹砂之害

大學博士李君墓誌銘三十卷

先叙死年月起

施先生墓銘二十卷登封縣尉盧殷墓誌銘二十卷

先叙死者葬地

河東觀察鄭公神道碑文二十卷

先叙姓名履歷而以三代妻子居後

試大理評事王君墓誌銘二十卷江南觀察贈常侍太原

王公墓誌銘三十卷幽州節度判官贈給事中張君徹墓

誌銘三十卷

無履歷可叙者

處士盧君墓誌銘三十卷韓滂墓誌三十卷考功員外郎盧君

墓銘二十卷

僅有初筮可書者

李元賓墓銘二十卷登封縣尉盧殷墓誌銘三十卷河南王屋

縣尉畢君墓誌銘二十卷號州司戶韓府君墓誌銘二十卷

叙文辭之盛者



施先生墓銘二十卷 貞曜先生孟郊墓誌九卷 南陽樊紹述

宗師墓誌銘三十卷

自賜廟叙起

烏氏廟碑銘二十卷 魏博節度觀察使沂國田公先廟碑

銘二十卷

自乞銘叙起

河南少尹李公墓誌銘二十卷 袁氏先廟碑七卷 貞曜先生

孟郊墓誌二十卷 庫部員外郎張府君墓誌銘九卷 中散大

夫少府監胡良公墓神道碑三十卷

有誌無銘

登封縣尉盧殷墓誌銘二十卷 襄陽盧丞墓誌銘五卷 河中

府法曹張君墓碣銘二十卷 殿中少監馬君墓誌三十卷 貝州

司法叅軍李君墓誌銘三十卷 太學博士李君墓誌四十卷

述其妻子之辭朱子謂別是一體此文之變

襄陽盧丞墓誌二十卷 河中府法曹張君墓碣銘二十卷 虞部

員外郎張府君墓誌二十卷 殿中少監馬君墓誌三十卷 貝州

司法叅軍李君墓誌三十卷

法揚子雲造語洪氏云朱子謂用字奇古

曹成王碑二十卷

王臨川以為銘之奇者



試大理評事王君適墓誌二十卷故幽州節度判官贈給

事中清河張君墓誌三十卷

樓迂齋所取者

殿中少監馬君墓誌三十卷唐故河中府法曹張君墓誌

二十卷

賜廟碑體

烏氏廟碑銘二十卷魏博節度觀察使沂國田公先廟碑

銘二十卷袁氏先廟碑二十卷

郡王碑體

清邊郡王楊燕奇碑二十卷曹成王碑二十卷銀青光祿大夫

襄陽郡王平陽路公碑二十卷

公相銘誌體

檢校尚書左僕射統軍劉公墓誌銘二十卷故相權公墓

銘三十卷清河郡公房公墓碣銘二十卷司徒兼侍中中書令

贈太尉許國韓公神道碑銘三十卷銀青光祿大夫贈工

部尚書太原郡公王公神道碑二十卷

節度觀察刺史誌銘碣

河東節度觀察使滎陽鄭公神道碑二十卷鳳翔隴州節

度使李公墓誌銘三十卷魏博節度觀察使沂國田公先

廟碑銘二十卷江南西道觀察使贈左散騎常侍太原王



公神道碑三十卷又誌銘三十卷朝散大夫商州刺史除名董

府君墓誌二十卷秘書少監贈絳州刺史獨孤府君墓誌

銘二十卷朝散大夫越州刺史薛公墓誌銘三十卷

御史卿監郎官墓誌博士附

殿中侍御史李君墓誌二十卷監察御史衛府君墓銘三十卷

正義大夫尚書左丞孔公幾墓誌三十卷國子司業竇公

牟墓誌三十卷中散大夫少府監胡良公墓神道碑三十卷殿

中少監馬君墓誌三十卷考功員外盧君墓銘三十卷朝散大

夫贈司勳員外郎孔君墓誌二十卷虞部員外郎張府君

墓誌二十卷朝散大夫尚書庫部郎中鄭君墓誌三十卷太學

博士李君干墓誌三十卷崔評事墓誌二十卷大理評事王君

墓誌二十卷集賢院校理石君墓誌三十卷國子助教河東薛

君墓誌二十卷

州縣官誌銘

中散大夫陝府左司馬李公墓誌三十卷中散大夫河南

尹杜君墓誌二十卷柳子厚墓誌二十卷河南少尹裴君墓誌

二十卷河南少尹李公墓誌三十卷興元少尹房君墓誌二十卷幽

州節度判官贈給事中清河張君徹墓誌三十卷太原府

叅軍苗君墓誌二十卷貝州司法叅軍李君墓誌三十卷虢州

司戶韓府君墓誌三十卷貞曜先生墓誌二十卷河南令張君



墓誌 三十卷 襄陽盧丞墓誌 二十卷

處士誌銘

處士盧君墓誌 三十卷

幼殤誌銘

盧渾墓誌 三十卷 韓滂墓誌 三十卷

金石例卷之六終

金石例卷之七

濟南 潘昂霄 景梁

○韓文公銘誌括例

宗族姍黨稱呼例

書上代例

其十一世祖 殿中侍御史李君誌

其上祖 朝散大夫越州刺史薛公誌

七世祖 柳子厚誌

六代祖 國子司業竇公誌

五世祖 江西觀察韋公誌

四世祖 朝散大夫越州刺史薛公誌

書曾祖例

曾大父 崔評事誌裴少尹誌劉統軍等誌

曾祖 少尹房公誌尙書左丞孔公誌

括例乃徐秋之所按編倉  
屋采而錄之以入金石例  
耳非倉屋自為之



大王父 清河郡房公誌

書曾伯叔祖例

曾伯祖 柳子厚誌

書祖例

大父 崔評事誌裴少尹誌劉統軍等誌

祖 房少尹誌孔左丞誌

王父 清河郡公誌

書父例

父 崔評事誌裴少尹誌劉統軍誌

皇考 正議大夫孔左丞誌

烈考 清邊郡王楊燕奇碑

書母例

父娶河南獨孤氏女 生二子君其季也朝散大夫庫部鄭君誌

公之父娶鄉邑劉氏女 生公是為齊國太夫人司徒韓侍中碑

父娶裴氏女 貞曜先生誌

父娶陳畱太守薛江童女 殿中侍御史李君誌

母曰太原縣君 虞部員外張府君誌

母夫人燉煌張氏 河南少尹李公誌

公先妣渤海李氏 贈渤海郡太君觀察太原王公誌

書伯叔例

世父 伯父也四門博士周况妻韓氏誌註儀禮喪服篇有族曾祖父者曾祖之兄弟也其子為族祖父其孫為族父其曾孫為族兄弟有從祖祖父者祖父之兄弟也其子為從父兄弟今韓公于開封及虢州皆為從父弟矣于開封之女則公



當為從  
祖父也

書伯叔母例

叔父

告于叔父 襄陽郡王路公碑

世母

伯母也

書兄弟姊妹例

母兄

君母兄殘某官 孔員外誌 公之母兄太常博士 河南少尹杜君誌 母兄戢某官 除名人董府君誌

歸宗之妹

育幼弟與歸宗之妹處士盧君誌

族弟

因其族弟以來請銘 襄陽郡王路公碑

書姊妹夫例

姊壻

銀青光祿王公誌

妹壻

愈于處士妹壻也 盧處士誌

書妻例

妻彭城人

河中府法曹張公誌

公之配

彭城劉氏夫人少尹李公誌

夫人

秘書少監獨孤府君誌

公娶清河崔氏女

故相權公誌

公娶其舅女

觀察太原王公誌

書子男例

能子

是真能子矣 襄陽盧丞誌

為後子

仁本為後子獨存觀察鄭公誌

書女壻例

長女壻

次女壻

觀察太原王公誌

季女壻

其季女壻韓愈為之誌 盧府君夫人苗氏誌

書舅姑例

姑氏

母抱之置之姑氏以去 中大夫陝府司馬李公誌



尊章

協于尊章扶風郡夫人誌

書外家例

外高王父

外王父

自外高王父至外王父銀青光祿大夫王公誌

舅氏

少依舅氏讀書習騎射司徒韓侍中誌

夫人之兄

生公是為齊國太夫人夫人之兄曰司徒同上

舅弟

葬子厚于萬年之墓者舅弟盧遵

職名例

有出身必書例

大父含液舉進士第官卒河南法曹

參軍苗君誌

父倚舉進士天寶之亂隱居而終

崔評事誌

皇考諱郁以儒學進官至侍御史

河南令張君誌

父宰臣用進士卒官平陽冀氏令贈潭州大都督

中散

大夫少府監胡公神道碑

初干以進士為鄂州從事

太學博士李君干誌

道古進士司門郎刺利隨唐睦徵為少宗正兼御史

中丞以節度督黔中朝京師改命觀察鄂岳蘄沔

安黃

曹成王碑

公一兄三弟常羣庠鞏常進士水部員外郎朗夔

江撫四州刺史羣以處士徵自吏部郎中拜御史

中丞出帥黔容以卒庠三佐大府自奉先令為登



州刺史鞏亦進士以御史佐淄青府皆有材名子國

司業寶公誌

有子曰寘明經及第嗣其家業江西觀察韋公誌

有子男七人初哲貞宏泰復洄初進士及第哲文學

俱善其餘幼也觀察贈常侍太原王公誌

內職必書例

公會祖諱玄靜尚書膳部郎中歷資簡涇隰四州刺

史興元少尹房公誌

大父某為刑部侍郎出刺徐相州崔評事誌

大父曠御史中丞京畿採訪使河南少尹裴君誌

大父利貞有名玄宗世為御史中丞舉彈無所避由

是出為陳畱守領河南道採訪處置使河南令張君誌

書除授例

某年拜越州刺史注或作元和十二年正月二十二日方氏云前已云元和四年此不當復出年號他銘亦無書除授

日月者刺史薛公誌

家世例

書三代例

曾大父知道仕至大理司直大父玄同為刑部侍郎

出刺徐相州父倚舉進士崔評事誌

曾大父元簡大理正大父曠御史中丞京畿採訪使



父虬以有氣畧敢諫諍為諫議大夫引正大疑有

寵代宗朝屢辭官不肯拜卒贈工部尚書河南少尹裴君誌

公會祖諱玄靜尚書膳部郎中歷資簡涇隰四州刺

史太尉之叔父也祖諱肱為虢州司馬父諱巒都

水使者皆名能守家法房少尹誌

後七世至行褒官至易州刺史于君為曾祖易州生

婺州金華令諱懷一卒葬洛陽北山金華生君之

考諱平為太子家令葬金華墓東而尚書水部郎

劉復為之銘集賢院校理石君誌

其大王父融王父瑄仍父子為宰相融相天后事遠

不大傳瑄相玄宗肅宗處艱難中與道進退薨贈

太尉流聲於茲父乘仕至秘書少監贈太子詹事

清河郡公房公誌

曾大父諱承慶朔州刺史大父巨敖好讀老子莊周

書為太原晉陽令再世宦北方樂其土俗遂著籍

太原之陽曲曰自我為此邑人可也何必彭城父

訟贈右散騎常侍劉統軍誌

不書三代例

登封縣尉盧殷誌並不書三代

太學博士李君干誌並不書三代



歷書世系例

公諱邗字某雍王繪之後王孫道明唐初以屬封淮陽王又追王其祖父曰雍王長平王淮陽生景融景融親益疎不王生務該務該生思一思一生岌比四世官不過縣令州佐然益讀書為行為士大夫家岌為蜀州晉原尉生公未晬以卒

陝府左司馬李公誌

書三代及其兄例

曾祖曰希莊撫州刺史贈大理卿祖曰元暉果州流溪縣丞贈左散騎常侍父曰播尚書禮部侍郎侍郎命君後兄據據為尚書水部郎中贈給事中

國子

助教河東薛君誌

書二代不名而及其女兄與甥

以外戚故書

莊憲皇太后之弟今天子之舅太師之子太尉之孫

司徒之曾孫

銀青光祿大夫太原王公神道碑

不書曾祖而書六代祖及祖及父例

六代祖敬遠嘗封西河公大父同昌司馬比四代仍襲爵名同昌諱亂生皇考諱叔向官至左拾遺溧水令贈工部尚書尚書于大歷初名能為詩文

國子

司業竇公誌

不書曾祖而書祖書父例



祖曰旭袁州宜春尉父曰媯豪州定遠丞施先  
生誌

祖子輿濮州濮陽令父同舒州望江令考功員外  
盧君誌

大父知古祁州司倉烈考文誨天寶中實為平盧衙

前兵馬使位至特進檢校太子賓客封宏農郡開

國伯世掌諸蕃互市恩信著明夷人慕之清邊郡王  
楊燕奇碑

祖某某官贈某官父某某官贈某官朝散大夫贈司勳  
員外郎孔君誌

大父利貞有名玄宗世為御史中丞舉彈無所避由

是出為陳畱守領河南道採訪處置使數歲卒官

皇考諱郇以儒學進官至侍御史河南令  
張君誌

大父諱秀武后時以文材徵為麟臺正字父宰臣用

進士卒官平陽冀氏令贈潭州大都督中散大夫少府  
監胡良公神道

碑

不書曾祖祖而書六世祖及父例

六世祖孝寬仕周有功以公開號于鄖鄖公之子孫

世為大官惟公之父政卒雒縣丞贈虢州刺史江  
西

觀察使  
韋公誌

不書曾祖祖而書七世祖及曾伯祖及父例

七世祖慶為拓跋魏侍中封濟陰公會伯祖奭為唐

宰相與褚遂良韓瑗俱得罪武后死高宗朝皇考

諱鎮以事母棄太常博士求為縣令江南其後以



不能媚權貴失御史權貴人死乃復拜侍御史號

為剛直所與游皆當世名人

柳子厚誌

不書曾祖祖而止書其父例

公諱道古字某曹成王子其先王明以大宗子王曹

絕輒復封五世而至成王成王諱臯有功建中貞

元間以多才能能行賞誅為名至今追數當時內

外文武大臣成王必在其間

昭武校尉守左金吾衛將軍李公誌

常州刺史贈禮部侍郎憲公諱及之第二子憲公躬

孝踐行篤實而辨于文勸飭指誨以進後生名聲

垂延紹德惟克

秘書少監贈絳州刺史獨孤府君誌

處士諱於陵其先范陽人父貽為河南法曹參軍

處士

盧君誌

不特書父而書大王父王父伯例

大王父玄暕歷御史屬三院止尚書郎生景肅守三

郡終傅涼王生政襄鄧等州防禦使鄂州採訪使

贈吏部尚書公尚書之弟某子

江南西道觀察使太原王公神道碑

書上世并書其母例

其上祖懿為晉安西將軍實始居河東公之四世祖

嗣汾陰公諱德儒為隋襄城郡書佐以卒襄城有

子二人皆貴其後皆蕃以大而其季尤盛官至邠



州刺史邠州諱寶亂有子九人皆有名位其最季諱縑為河南令以卒河南有子四人其長諱同卒官湖州長史贈刑部尚書尚書娶吳郡陸景融女有子五人皆有名蹟其達者四人公于倫次為中

子

朝散大夫越州刺史薛公誌

書二母例

初司徒公娶河南元氏封潁川郡夫人贈許國夫人許國薨少府始孩顧託以其姪為繼室是為陳國夫人陳國無子愛君與少府如已生其薨也君與少府喪之猶實生已親負土封其墓

贈絳州刺史馬府君行狀

書三代并書其母例

曾祖匡時晉州霍邑令祖千尋彭州九隴丞父廸鄂州唐年令娶河南獨孤氏女生二子君其季也

朝散

大夫尚書庫部郎中鄭君誌

其上世有暱者當宇文時為車騎大將軍鄜城太守卒葬河北謚曰忠公至孝權間五世矣孝權大父諱孝先太子通事舍人父諱庭光贈綏州刺史綏州之卒孝權蓋尚小母曰太原縣君卒既葬孝權守墓樹松柏三年而後歸

虞部員外郎張府君誌

書三代并書其母其舅例



會祖宏泰簡州刺史祖乾秀伊闕令父燮宣州長史

贈絳州刺史母夫人燉煌張氏其舅參有大名河南

少尹李公誌

書父并其母舅不及上二代例

公之父曰海為人魁偉沉塞以武勇游仕許汴之間

寡言自可不與人交衆推以為鉅人長者官至游

擊將軍贈太師娶鄉邑劉氏女生公是為齊國太

夫人夫人之兄曰司徒玄佐有功建中貞元之間

為宣武軍帥有汴宋毫潁四州之地兵士十萬人

許國公韓宏神道碑

書十一世祖及父及母例不及會祖祖至書葬方見

其十一世祖冲貴顯拓跋世父憚河南温縣尉娶陳

畱太守薛江童女殿中侍御史李君誌

書父及母及兄弟而不及上世例

父庭玠娶裴氏女而選為崑山尉生先生及二季鄴

郢而卒貞曜先生誌

書婦女家世例

書三代例

夫人會祖某綏州刺史祖某潞州別駕父某晉州錄

事參軍息國夫人誌



曾大父襲夔贈禮部尚書大父殆庶贈太子太師父

如蘭仕至太子司議郎汝州司馬河南府法曹盧府君夫人苗氏誌

書祖書父及其舅其夫例

夫人姓盧氏范陽人亳州城父丞序之孫吉州刺史

徹之女嫁扶風馬氏為司徒侍中莊武公之冢婦

少府監西平郡王贈工部尚書之夫人扶風郡夫人誌

書父及其夫其子例

楚國夫人姓翟氏故檢校御史大夫宋州刺史良佐

之女今司徒兼中書令許國公之妻前鄜坊節度

使散騎常侍兼御史大夫公武之母楚國夫人誌

書兄弟例

書兄及弟例

公之昆弟五人載戡戢戰公于次為第二正議大夫尚書左丞孔公綏誌

書妻例

書妻及曾祖祖不書妻之父例

公之配曰彭城劉氏夫人夫人先卒其葬以夫人祔

夫人曾祖曰子京祖曰鍊皆有大名河南少尹李公誌

書妻及妻之祖父不書妻曾祖例

妻彭城人世有衣冠祖好順泗州刺史父詠卒蘄州

別駕河中府法曹張君誌



夫人天水權氏贈太子太保貞孝公臯之承孫故相

今太常德輿之女亂慶配良是似是宜秘書少監贈絳州刺史獨孤府

君誌

書妻及妻之父不及其曾祖祖例

夫人博陵崔氏少府監頴之女河南少尹裴君誌

夫人常山郡君張氏彭州刺史贈禮部侍郎蕒之女

生子男三人中散大夫河南尹杜君誌

妻范陽盧氏鄭滑節度使兼御史大夫羣之女與君

合德親戚無退一言殿中侍御史李君誌

書妻及妻之父及曾伯父例

夫人博陵崔氏朝邑令友之之女其曾伯父玄暉有

功中宗時夫人高明遇子婦有節法進見侍側肅

如也中大夫陝府左司馬李公誌

書妻及妻叔祖不書其祖父例

娶彭城劉氏女故相國晏之兄孫生男二人集賢院校理石君誌

不書妻祖父例

妻鄭氏也崔評事誌

夫人河南胡氏號太原郡夫人工部尚書太原郡公神道碑

君娶河東柳氏女河南令張君誌

公娶其舅女有子七人觀察使贈常侍太原王公誌



娶滎陽鄭氏女生男六人興原少尹房公誌

妻曰太原王氏先生卒施先生誌

夫人李姓隴西人君在配君子無違德君歿訓子女

得母道甚後君二十年年六十六而終考功員外盧君誌

因葬書妻例

其妻清河張氏以其年十二月丙寅葬君于洛陽平

陰之原太原府參軍苗君誌

因祔葬書妻例

夫人滎陽鄭氏祔銀青光祿大夫平陽路公碑

奉先夫人天水趙氏祔中散大夫少府監胡公神道碑

楚國夫人翟氏祔許國公韓宏神道碑

書再娶例

夫人隴西郡夫人李氏清夷郡太守祐之孫漁陽郡

長史獻之女柔嘉淑明先公而殂有男四人女三

人後夫人河南郡夫人雍氏某官之孫某官之女

有男一人女二人咸有至性純行清邊郡王楊燕奇碑

書三娶例

公三娶元配韋氏諱修修生子紘紘為進士學女貢

嫁崔氏夫人隋雍州牧鄭公叔裕五世孫父士佺

蓬山令次配崔氏諱葑生綽紹綰女會嫁鄭氏季

書祔葬不過如是



毘夫人父昭嘗為京兆尹今夫人韋氏無子父光

憲光祿卿其葬用古今禮以元配韋氏夫人祔而

葬次配崔氏夫人于其域異墓昭武校尉守左金吾衛將軍李公誌

書婦德例

亂慶配良是似是宜秘書少監贈絳州刺史獨孤府君誌

賢有法度鳳翔隴州節度使李公誌

孝順祇修羣女效其所為幽州節度判官贈給事中清河張君誌

與君合德親戚無退一言殿中侍御史李君誌

有賢行侍君疾逾年不下堂食菜飲水藥物必自擇

將進輒先嘗方書本草恒置左右贈絳州刺史馬府君行狀

書子女例

書子女不名例

有男八人女二人殿中少監馬君誌

有子二人女二人崔評事誌

有子六人女子一人銀青光祿大夫太原郡王公神道碑

凡產四男五女男生輒即死國子助教河東薛君誌

生男輒死卒無子女一人學浮屠法不嫁為比丘尼

云登封縣尉盧殷誌

子書名女不書名例

男三人長曰初協律次曰彪其幼曰還適三歲女子



九人

殿中侍御史李君誌

男三人暢申易女三人皆嫁為士人妻

考功員外盧君誌

生男二人八歲曰壬四歲曰申女子二人

集賢院校理石君誌

子女並書名例

有男十歲曰義女九歲曰孟

處士盧君誌

書子女及壻例

生男六人其長曰次卿次卿有大才不能俯仰順時

年四十餘尚守京兆興平尉然其友皆曰房氏有

子也次曰次公次膺次回次衡次元始學而未仕

女三人皆嫁為士人妻

興元少尹房君誌

書壻姓名例

生三子一男二女男三歲夭死長女嫁亳州永城尉

姚佺其季始十歲

大理評事王君誌

生六子四男二女長曰全正惠而早死次曰居中好

學善為詩張籍稱之次曰從直曰居敬尚小長女

嫁吳郡陸暢

除名人董府君誌

有四子長曰溫質四門博士遵孺遵憲溫裕皆明經

女子長嫁中書舍人平陽路隋其季者幼

正議大夫尚書左丞

孔公誌

書子女及外孫例



七男三女邠為澄城主簿其嫡激鄜城令放芮城尉

漢監察御史漼洗潘皆進士及公之存內外孫十

有五人

中大夫陝府左司馬李公誌

書異母子女例

始娶范陽盧氏女生仁本仁約仁載皆有文行二季

舉進士皆早死仁本為後子獨存後娶趙郡李氏

生三女二夫人凡三男五女

河東節度鄭公神道碑

初娶吏部侍郎京兆韋肇女生二女一男長女嫁京

兆韋詞次嫁蘭陵蕭僂後娶河南少尹趙郡李則

女生一女二男其餘男二人女四人皆幼嗣子退

思韋氏生也

朝散大夫尚書庫部郎中鄭君誌

公有四子長曰元孫三原尉次曰元質彭之濛陽尉

曰元立興平尉曰元本河南叅軍皆愿敏好善元

立元本皆崔氏出

鳳翔隴州節度使李公誌

書子而無女例

子曰友直明州鄞縣主簿曰友諒太廟齋郎

施先生誌

其子越能輯父事無失謹謹致孝

清河郡公房公墓碣

長子殿中丞繼祖孝友以類

扶風郡夫人誌

既葬其子監察御史璩纍然服喪來有請

故相權公誌

書子女年歲例



男三人環質皆既冠其季始六歲曰充郎河南少尹裴君誌

男子二人長曰某早死次曰天官始十歲有至性聞

呼父官與聞弔客至輒號泣以絕女子一人秘書少監贈絳

州刺史獨孤府君誌

書女出家例

女一人學浮屠法不嫁為比丘尼云登封縣尉盧殷誌

女子三八其長學浮屠法為比丘尼其季二人未嫁

河南府王屋縣尉畢君誌

書子女生于死後例

男三人執規執矩必復其季生君卒之三月太原府參軍苗君誌

子厚有子男二人長曰周六始四歲季曰周七子厚

卒乃生女子二人皆幼柳子厚誌

書過房子例

父曰播尚書禮部侍郎侍郎命君後兄據自給事至

君後再絕皆有名遺言曰以公儀之子已已後我

國子助教河東薛君誌

子男二人長曰肅元某官次曰公武某官肅元早死

公之將薨公武暴病先卒公哀傷之月餘遂薨無

子以公武子孫紹宗為主後許國公韓宏神道碑

書子文學材質例



戡強以肅成敏以和息國夫人誌

好善學文能謹謹致孝述父之志曲而不黷國子司業實公誌

雖皆幼侍疾居喪如成人贈絳州刺史馬君行狀

書無子例

唐元和九年歲在甲午八月己亥貞曜先生孟氏卒

無子貞曜先生誌

金石例卷之七終

金石例卷之八

濟南 潘昂霄 景梁

書死例

書死于官著年月日例

貞元十八年十月十一日太學博士施先生士丐卒

其僚太原郭伉買石誌其墓昌黎韓愈爲之辭施先生誌

疾病改河南少尹輿至官若干日卒實元和三年四

月二十三日享年五十河南少尹裴君誌

元和七年二月一日河南少尹李公卒年五十八河南少尹

李公誌



年六十一以元和六年二月二日卒于官 河南府王屋縣尉畢君誌

書死于官不書年月日例

年若干而終在官舉其職 考功員外盧君誌

年七十三以其官終 興元少尹房公誌

以疾卒官年五十九 清河郡公房公誌

公在相位三年其後以吏部尚書授節鎮山南年六

十以薨贈尚書左僕射謚文公 故相權公誌

書死于家著年月日例

使者未復命以十五年正月五日寢疾終于家年五

十有六矣 崔評事誌

十四年年六十一五月某日終于家 清邊郡王楊燕奇碑文

明年長慶四年正月己未公年七十四告薨于家贈

兵部尚書 正議大夫尚書左丞孔公誌

書死于中道外州著年月日例

元和四年秋有事適東方既還八月壬辰死于汴城

西雙正年四十有七 河中府法曹張君墓碣

元和五年正月將浴臨汝之湯泉壬子至其縣食遂

卒年五十七 朝散大夫孔君誌

行及揚州遇疾居月餘以長慶元年八月二十四日

卒春秋六十 朝散大夫尚書庫部郎中鄭君誌



書死于中道外州不書年月日例

年二十九客死于京師 李元賓誌

張君諱季友字孝權年五十四病卒東都 虞部員外郎張府君誌

至南海未幾竟死年五十三 監察御史衛府君誌

書病死例

元和四年年四十七二月十四日暴疾卒 國子助教河東薛君誌

年四十有二元和二年六月辛巳暴病卒 太原參軍苗君誌

疽發背六月乙酉卒年五十二 殿中侍御史李君誌

年七十四長慶二年二月丙寅以疾卒 國子司業竇公誌

命且下遂病以卒年若干 南陽樊紹述誌

校理集賢御書明年六月甲午疾卒年四十二 集賢院校理石

君誌

在鎮三年以疾乞歸復拜司徒中書令病不能朝以

長慶二年十二月三日薨于永崇里第年五十八

天子爲之罷朝三日贈太尉 許國公韓宏神道碑

年若干元和七年甲子日南至以疾卒 息國夫人誌

書不病而死例

元和四年十一月二十二日無疾暴薨年六十 中散大夫河南

府尹杜君誌

書死而不書死之地例



春秋五十八薨于元和五年八月六日 江西觀察 韋公誌

年三十七以卒 殿中少監 馬君誌

子厚以元和十四年十一月八日卒年四十七 柳子厚誌

書死而不書死之歲月例

年三十七以卒 殿中少監 馬君誌

書生死年月日例

生元和四年年三十七二月十四日疾暴卒 國子助教河 東薛君誌

書死不書病例

貞元十九年四月四日卒于東都敦化里年六十有

九 河南府法曹盧府 君夫人苗氏誌

書死為薨例

元和五年尚書薨夫人哭泣成疾後二年亦薨年四

十有六 扶風郡 夫人誌

夫人以元和十四年十一月一日薨于廊之公府春

秋若干大夫委節去位奉喪以居東都詔起之辭

以羸毀不仕即命又加喻勉 楚國夫人 翟氏誌

書葬例

書勅葬例

在鎮三年以疾乞歸復拜司徒中書令病不能朝以

長慶二年十二月三日薨于永崇里第年五十八



天子爲之罷朝三日贈太尉賜布粟其葬物有司

官給之京兆尹監護

許國公  
韓宏誌

詔所在給船舉傳歸其家賜錢物以葬長慶四年四

月某日其妻子以君之喪葬于某州某所

幽州節度  
判官贈給

事中張  
君誌

### 書詔許還葬例

長慶元年詔曰左降而死者還其官以葬遂以某年

某月日葬于東都某縣

昭武校尉守左金  
吾衛將軍李公誌

明年立皇太子有赦令許歸葬其子居中始奉喪歸

元和八年十一月甲寅葬于河南河南縣萬安山

下太師墓左

除名人董  
府君誌

### 書自他州返葬例

於斂之二十日其妻與其子以君之喪旋葬于汝州

其二月某日遂葬于某縣某鄉某原

崔評  
事誌

四月己酉其兄右拾遺朗以喪東葬河南壽安之甘

泉鄉家塋憲公墓側將以五月壬申窆

秘書少監贈絳  
州刺史獨孤府

君誌

明年兄子塗與其弟庾揆等護柩歸葬長安縣馬額

原夫人北海唐氏之封

虞部員外郎  
張府君誌

元和十年十二月某日歸葬河南某縣某鄉某村祔



先塋

監察御史  
衛府君誌

以十五年七月十日歸葬萬年先人墓側

柳子厚誌

書葬他州例

初君樂號之土田山水求掾其州去官猶家之既卒

因以其年九月某日葬州北十里崔長史墓西

號州司戶

韓府

君誌

三日而斂既斂七日權葬宜春郭南一里嗚呼其可

惜也已

韓滂誌

書葬祖父墓域例

斂之三月某甲子葬河南伊闕鳴皋山下 自簡州

而下皆葬鳴皋山下

河南少尹  
李公誌

其年十月戊申葬河南洛陽縣距其祖澠池令府君

僑墓十里

殿中侍御  
史李君誌

十月庚申樊子合凡贈賻而葬之洛陽東其先人墓

左以餘財附其家而供祀

貞曜先  
生誌

即以其年十一月二十二日從葬于鄭州廣武原先

人之墓次

朝散大夫尚書庫  
部郎中鄭君羣誌

其年八月某日葬河南偃師先公尚書之兆次

國子司  
業竇公

誌

書夫祔妻墓例



某月二十六日穿其妻墓而合葬之在其縣某地大學博士

李君 干誌

其年閏三月二十一日弟試太子通事舍人公儀京

兆府司錄公幹以君之喪歸以五月十五日葬于

京兆府萬年縣少陵原合祔王夫人塋國子助教 薛君誌

### 書妻祔夫墓例

嗣子通王屬良楨以其年十月庚寅葬公于開封縣

魯陵岡隴西郡夫人李氏祔焉清邊郡王 楊燕奇誌

九年正月癸酉祔于其夫之封扶風郡 夫人誌

明年八月十四日葬京兆奉先夫人天水趙氏祔焉

中散大夫少府 監胡良公碑

### 書合葬例

年若干而終在官舉其職夫人姓李隴西人君在配

君子無違德君歿訓子女得母道甚後君二十年

年六十六而終 君祖子與濮州濮陽令父同舒

州望江令夫人之祖延宗鄆州司馬父進成鄜州

洛交令考功員外 盧君誌

貞元十七年九月丁卯隴西李翱合葬其皇祖考貝

州司法叅軍楚金皇祖妣清河崔氏夫人于汴州

開封縣某里昌黎韓愈紀其世著其德行以識其



葬其世曰由涼武昭王六世至司空司空之後二世為刺史清淵侯由侯至于貝州凡五世其德行曰事其兄如事其父其行不敢有出焉其夫人事其姒如事其姑其于家不敢有專焉 其葬曰翺既遷貝州君之喪于貝州殯于開封遂遷夫人之喪于楚州八月辛亥至于開封壙于丁巳墳于九月辛酉窆于丁卯

貝州司法叅軍李君誌

書各葬例

其年八月甲申從葬河南河陰之廣武原卜人曰今茲歲未可以祔從卜人言不祔

朝散大夫贈司勳員外郎孔君誌

書因某人歸葬例

既斂之三日友人博陵崔宏禮葬之于國東門之外七里鄉曰慶義原曰高原友人韓愈書石以誌之

李元賓誌

書本月內葬例

卒三日葬河南縣北十五里愈率婦孫視窆封

乳母誌

河南府王屋縣尉畢君誌

書本年内葬例

墓在河南緱氏縣梁國之原其年月日元和二年二

月十日云

考功員外盧君誌



其年七月某日祔于法曹府君墓在洛陽龍門山

河南府法

曹參軍盧府君夫人苗氏誌

其妻清河張氏以其年十二月丙寅葬君于洛陽平

陰之原

太原府參軍苗君誌

書明年葬例

明年葬京兆萬年少陵原

銀青光祿大夫襄陽郡王平陽路公誌

明年二月葬河南偃師

河中府法曹張君誌

明年二月甲午從葬懷州

中散大夫河南尹杜君誌

明年七月壬寅從葬萬年縣少陵原

江西觀察章公誌

特書某年葬例

長慶二年三月某日葬夫人于洛陽北山

楚國夫人崔氏誌

以四年二月某日葬于河南某縣先塋之側

江西觀察常侍太原

王公誌

不書年月日例

即葬于其地

烏氏先廟碑

不書葬地例

樊紹述既卒且葬

南陽樊紹述誌

書某月幾日不書甲子例

其二月某日遂葬于某縣某鄉某原

崔評事誌

以五月十五日葬于京兆府萬年縣少陵原

國子助教薛君誌







不識體制則如南家諸  
儒多雖醇而又不光

金石錄 卷九  
立本論前說備矣本者既立必學問充就而後識見造詣  
凡見之議論言語者皆正大純粹如冠冕佩玉入宗廟  
之中人自起敬學力既到體制亦不可不知如記贊銘  
頌序跋各有其體不知其體則喻人無容雖有實行識  
者幾何人哉體制既熟一篇之中起頭結尾繳換曲折  
轉折反覆照應關鎖綱目血脉其妙不可以言盡要須  
助自得於古人

韓文公上李侍郎書云大之爲河海高之爲山嶽明之爲  
日月幽之爲鬼神纖之爲珠璣華實變之爲雷霆風雨  
荅尉遲生書云本深而未茂形大而聲宏行峻而言厲  
心醇而氣和昭晰者無疑優游者有餘上于頓相公書  
云變化若雷霆浩汗若河漢正聲諧韶濩勁氣沮金石  
凡皆形容文章之妙公實道胸中之自得者

黃氏曰抄韓文公與馮宿論文謂稱意者人以爲怪下筆  
令人慚則人以爲好古文直何用於今以俟知者知耳  
公殆矯其說以振起一世之庸庸者乎然歷數百年至  
本朝歐陽公方能得公之文於殘弃而發擣之否者終  
于湮沒自歐陽公以來雖曰家藏而人誦殆不過野人  
議壁隨和稱好及自執筆爲文鮮有不與之背直知公  
之文者又幾何人哉愚嘗嘆息而爲之自警曰人誰不



講孔孟之學至遇事則徃徃而違其訓人誰不讀韓歐之文至執筆則徃徃而非其體人莫不飲食鮮能知其味不心誠求之是真無益哉

荅劉正夫書論爲文譬之百物朝夕所見者人皆不注視及覩其異者則衆觀之又謂用功深者其收名也遠荅陳商書喻以齊王好竽而鼓以瑟所謂工于瑟而不工于求齊合是兩書而觀之庸庸者不足以自見怪怪者非所以諧俗公所告語雖各隨其病而藥之功深一語則均所當務而根本之論乎

荅李翊書生之書辭甚高而其問何下而恭也能如是誰不欲告生以其道道德之歸也有日矣况其外之文乎抑愈所謂望孔子之門墻而不入于其宮者焉足以知是且非也邪雖然不可不爲生言之生所謂立言者是也生所爲者與所期者甚似而幾矣抑不知生之志蘄勝于人而取于人耶將蘄至於古之立言者邪蘄勝于人而取于人則固勝于人而可取于人矣將蘄至于古之立言者則無望其速成無誘于勢利養其根而俟其實加其膏而希其光根之茂者其實遂膏之沃者其光曄仁義之人其言藹如也抑又有難者愈之所爲不自知其至猶未也雖然學之二十餘年矣始者非三代兩



漢之書不敢觀非聖人之志不敢存處若亡行若遺儼乎其若思茫乎其若迷當其取于心而注于手也惟陳言之務去憂憂乎其難哉其觀于人不知其非笑之爲非笑也如是者亦有年猶不改然後識古書之正僞與雖正而不至焉者昭昭然白黑分矣而務去之乃徐有得也當其取于心而注于手也汨汨然來矣其觀于人也笑之則以爲喜譽之則以爲憂以其猶有人之說者存也如是者亦有年然後浩乎其沛然矣吾又懼其雜也迎而距之平心而察之其皆醇也然後肆焉雖然不可以不養也行之乎仁義之途游之乎詩書之源無迷其途無絕其源終吾身而已矣氣水也言浮物也水大而物之浮者大小畢浮氣之與言猶是也氣盛則言之短長與聲之高下者皆宜雖如是其敢自謂幾于成乎雖幾于成其用于人也奚取焉雖然待用于人者其肖于器邪用與舍屬諸人君子則不然處心有道行已有方用則施諸人舍則傳諸其徒垂諸文而爲後世法如是者其亦足樂乎其無足樂也有志乎古者希矣志乎古必遺乎今吾誠樂而悲之亟稱其人所以勸之非敢褒其可褒而貶其可貶也問于愈者多矣念生之言不志乎利聊相爲言之

韓退之



柳柳州荅韋中立書始吾幼且少爲文章以辭爲工及長  
乃知文者以明道是固不苟爲炳炳烺烺務采色夸聲  
音而以爲能也凡我所陳皆自謂近道而不知道之果  
近乎遠乎吾子好道而可吾文或者其於道不遠矣故  
吾每爲文章未嘗敢以輕心掉之懼其剽而不畱也未  
嘗敢以怠心易之懼其弛而不嚴也未嘗敢以昏氣出  
之懼其昧没而雜也未嘗敢以矜氣作之懼其偃蹇而  
驕也抑之欲其奧揚之欲其明踈之欲其通廉之欲其  
節激而發之欲其清固而存之欲其重此吾所以羽翼  
夫道也本之書以求其質本之詩以求其恆本之禮以  
求其宜本之春秋以求其斷本之易以求其動此吾所  
以取道之原也叅之穀梁氏以厲其氣叅之孟荀以暢  
其支叅之莊老以肆其端叅之國語以博其趣叅之離  
騷以致其幽叅之太史以著其潔此吾所以旁推交通  
而以爲之文也凡若此者果是耶非耶有取乎抑其無  
取乎吾子幸觀焉擇焉有餘以告焉苟亟來以廣是道  
子不有得焉則我得矣

朱文公曰韓柳荅李翊韋中立書可見其用力處

與友人論文書古今號文章爲難足下知其所以難乎非  
謂比興之不足恢拓之不遠鑽礪之不工頗僻之不除  
也得之爲難知之愈難耳苟或得其高朗探其深蹟雖



有蕪敗則爲日月之蝕也大圭之瑕也曷足傷其明黜  
其寶哉且自孔氏以來茲道大闡家修人勵利精竭慮  
者幾千年矣其間耗費簡札役用心神者其可數乎登  
文章之籙波及後代越不過數十人耳其餘誰不欲爭  
裂綺繡互攀日月高視于萬物之中雄峙于百代之下  
乎率皆縱輿而不克躑躅而不進力蹙勢窮吞志而沒  
故曰得之爲難嗟乎道之顯晦幸不幸繫焉談之辯訥  
升降繫焉鑒之頗正好惡繫焉交之廣狹屈伸繫焉則  
彼卓然自得以奮其間者合乎否乎是未可知也而又  
榮古虐今者比肩疊跡大底生則不遇死而垂聲者衆  
焉揚雄沒而法言大興馬遷生而史記未振彼之二才  
且猶若是况乎未甚聞著者哉固有文不傳于後祀聲  
遂絕于天下者矣故曰知之愈難而爲文之士亦多漁  
獵前作戕賊文史挾其意抽其華置齒牙間遇事蠶起  
金聲玉耀誑聾瞽之人徼一時之聲雖終淪棄而其奪  
朱亂雅爲害已甚是其所以難也

柳子厚

蘇明允上歐陽公書孟子之文語約而意盡不爲巉刻斬  
絕之言而其鋒不可犯韓子之文如長江大河渾浩流  
轉蜿蜒蛟龍萬怪惶惑而抑遏掩蔽不使自露而人望  
見其淵然之光蒼然之色亦自畏避不敢迫視



蘇子由曰太史公行天下周覽名山大川與燕趙間豪俊交遊故其文踈宕頗有奇氣

韓愈以六經之文為諸儒倡障隄末流反利以樸剗偽以直粹然一出于正刊落陳言橫驚別驅汪洋大肆無牴牾聖人者其原道原性師說數十篇皆與衍宏深與孟軻揚雄相表裏而佐佑六經云本贊

柳子厚之文雄深雅健似司馬子長崔蔡不足多也本傳

蘇子瞻曰歐陽公云晉無文章惟陶淵明歸去來辭余亦謂唐無文章惟韓愈送李愿歸盤谷序

歐陽公文集序云歐陽子之學推韓愈孟子以達于孔氏

著禮樂仁義之實以合於大道其言簡而明信而通引物連類折之于至理以服人心故天下翕然師尊之自

歐陽子出天下爭自濯磨以通經學古為高以救時行道為賢以犯顏納諫為忠至嘉祐末號稱多士歐陽子之功為多蘇子瞻

邵氏後錄云東坡中制科王荊公曰全類戰國文章故荆公修英宗實錄謂明允有戰國縱橫之學

東坡之文如長江大河一瀉千里至其渾浩流轉曲折變化之妙則無復可以名狀蓋能文之士莫之能尚也而尤長于指陳世事述叙民生疾苦方其年少氣銳尚欲

此決非歐蘇之文也。此一時有激之言非為論也。

所之至理故昌黎之文有義例可言



種凡尚才不尚學故不可以例拘

汎掃宿弊更張百度有賈太傅流涕漢庭之風及既懲創王氏一意忠厚思與天下休息其言切中民隱發越懇到使巖廊崇高之地如親見閭閻哀痛之情有不能不惻然感動者真可垂訓萬世矣嗚呼休哉黃氏日抄

蘇子瞻曰凡人作文須是筆頭上挽得數百鈞起凡作文如行雲流水初無定質但常行于所當行常止于不可不止文理自然情態橫生

李漢老曰為文之法有筆力有筆路筆力到二十歲便定

後來長進只就上面添得些子筆路則常拈弄時轉開拓不拈弄便荒廢

杜牧之曰文以意為主氣為輔以辭采為兵衛李文饒曰譬諸日月雖終古常見而光景常新

朱文公曰古人作文多摹倣前人學之既久自然純熟今人于韓文知其力去陳言之為工而不知其文從字順之為貴

歐陽公曰為文有三多看多做多商量多鶴山曰辭根于氣氣命于志志立于學

西山先生問傅公景仁以作文之法傅公曰長衷善舞多財善賈子歸取古人書熟讀而精甄之則蔚乎其春榮薰乎其蘭馥有日矣

平齋洪公曰古今萃于胸中造化運于筆下多讀多做兩

摹倣之說未為確論人自各有天性其姿才不同一涉摹倣無倫工拙皆失其真矣杜清韓文蟠天際地不過到得文從字順地位即聖人所謂辭達而已者也



盡為勝

夏文莊曰美辭施于頌贊明文布于牋奏詔誥語重而體宏歌詠言近而音遠

陸士衡曰謝朝華于已披啟夕秀于未振 銘博約而温

潤箴頓挫而清壯頌優游以彬蔚 要辭達而理舉故

無取乎冗長 立片言以居要乃一篇之警策雖眾辭

之有條必待茲而效績

野處洪公曰文章有淵源有機杼有關鍵有本根 用其

文如老農之用耒且而溉中而芸深耕而熟耰之吾文

唐矣不兩漢若乎漢矣不三代若乎欲然自視未能參

于柳州吏部之奧則日引月長不至不止也

朱文公曰作文自有穩字古之能文者纔用便用著 宋景文云人之

屬文有穩當字第初思之未至也

李德裕文箴曰文之為物自然靈氣忽恍而來不思而至

杼軸得之澹而無味琢刻藻繪彌不足貴如彼璞玉磨

礪成器奢者為之錯以金翠美質既彫良寶斯棄

朱文公曰前輩文有氣骨故其文壯今人只是于枝葉上

粉澤爾 後山攜所作謁南豐因畱款語適作一文字

事多因託後山為之成數百言南豐曰大畧也好只是

冗字多後山請改竄南豐取筆抹數處每抹處連一兩

學者未能用者所以要多讀多讀多讀多則自然用著所以成文之後不覺多改此論又精語也若二以例言之則下筆時有一合例不合例橫據其胸中即所謂天者不全而鬼神無故例不可無而不可拘執也神而明之存乎其人



行凡削去一二百字後山讀之則其意尤全因歎服遂以為法

文心雕龍曰風骨乏采則驚集翰林采乏風骨則雉竄文固若藻耀而高翔固文章鳴鳳也 鎔冶經典之範翔

集子史之術洞曉情變曲昭文體然後能葶甲新意雕畫奇辭 才有天資學謹始習斲梓染絲功在初化器

成綵定難可翻移 情者文之經辭者理之緯 才為

盟主學為輔佐 善為文者富于萬篇貧于一字一字

非少相避為難也

曾文昭曰文不出于天分可省學問之半

汪彥章謂傳自得曰今世綴文之士雖多徃徃昧于體制

獨吾子為得之不懈則古人可及也

○論作文當取法經史造語

王景文曰文章根本皆在六經非惟義理也而機杼物采

規模制度無不俱備者張安國出考古圖其品百二十

有八曰是當為記于經乎何取景文曰宜用顧命游廬

山訖事將衰所歷序之曰何以景文曰當用禹貢

叙事法禹貢顧命考工記其次左傳史記西漢書各物當

類編字面考究 論事似賈誼董仲舒劉向

句法求之檀弓則音節響亮言語絢麗

銘辭贊頌不似風雅則俚而無足

近來為古文者其趨  
獨稍正每苦於沉溺  
者由才不勝也為古文  
雖非才之具然却  
要如和為主而如多  
轉之不可如多為主也

今天下能為古文者無  
過姚姬傳然桐城之論  
以多為主故其傳皆  
止而其才皆之無以滿  
天下才人之志且量



詩當得風雅頌之旨趣因事感發性情之正騷選以下宜取其體制唐律當學他格式嚴整至於淫艷乃所當戒余教人作文先要令解其經蓋以所說之書使之演文既是熟于義理就其中抑揚以得作文之法此是求速化之術全章既能解釋則作疑義設疑以問之以觀其見識若能因所問得其旨意則心地已開見識已到然後斷史以觀其處事如此則作詩作文無所不通矣良工之子必學為箕良冶之子必學為裘無與於弓冶教人者使之以歸其理此當與智者道學者能如是用工他日悟其言之有味不然視之為迂濶而近效亦終不可得矣

○學文凡例

凡金石文例詳見前卷曰制曰誥曰詔曰表曰露布曰檄曰箴曰銘曰記曰贊曰頌曰序曰跋皆文章之流也匪著其目則學者無所于攷用列于後云

制式

門下云云具官某云云於戲云云可授某官主者施

行

擬制之始



唐虞至周皆曰命秦改命為制漢因之下書有四而制書次焉其文曰制詔三公顏師古謂為制度之命唐王言有

七其三曰制書大除授用之學士初入院試制書批

答共三篇

白居易入翰林以所試制加段祐兵部尚書領涇州韓偓試武臣受東川節度制

此試制之始

也

舍人不試多自學士遷

制用四六以便宣讀宋朝知制誥

元豐改中書舍

人召試中書而後除不試號為異禮所以試者觀其

敏也試制詔三篇宰相俟納卷始上馬翌日進呈除

目方下

擬制之式

制頭四句能包盡題意為佳

如所擬有檢校少保又有儀同三司又換節又帶軍職又作帥四句

中能包括盡此數件是也

若鋪排不盡則當擇題中體面重者說其

餘輕者於散語中說亦無害

輕者如軍職三司是也

制起須用四

六聯不可用七字

制頭四句四六一聯

散語四

句或六句

不須用聯

具官名須于職官分紀尋替換字如

尚書為中臺吏部為選部禮部為儀曹似此類須每

件尋兩三般蓋臨時有聲律虛實之不同也郎曹以

下不必記非從官而記者止卿監司業制中散語

不可四句相似如兩句用之字則下兩句用以而字

可也不然則上兩句之字在第五字下兩句之字在

第四字亦可



西山先生曰制誥王言也貴乎典雅溫潤用字不可

深僻造語不可尖新制詞三處最要用工一曰破題

要包盡題目而不麤露首四句體貼二曰叙新除處欲其精

當而忌語太繁推原所為設官除授之意用古事為一聯尤好如莫侍郎步軍制法黃帝之兵允賴為營之重資漢人之技莫

如用步之強最妙三曰戒辭於戲而下是也用事欲其精切須要

古事或古語為聯切於本題有丁寧告戒之意如傅景仁少保侍讀用說命周官周子及楊帥制用擊楫中流陳自明宗室觀使制用秘書仙圖此等事既親

切而造語妥貼是為可法野處洪公贄所業書曰昔丁文簡公未遇

之日手其所為制誥一編贄諸王公大人之門人見

者皆非之丁獨毅然不顧曰異日當有知我者其後

直掖垣登玉堂以至政地而昔日所為文始盡得施

用有志者事之竟成如此

倪正父曰文章以體製為先精工次之失其體製雖

浮聲切響抽黃對白極其精工不可謂之文矣凡文

皆然而王言尤不可以不知體製龍溪益公號為得

體製然其間猶有非君所以告臣人或得以指其瑕

者

朱文公曰范淳夫作冀王制云周尊公旦地居四輔

之先漢重王蒼位列三公之上及我仁祖加禮荆王

顧惟冲人敢後叔父自然平正典重彼工于四六者

却不能及

宋一代制辭無過劉  
石又歐真及何論  
他人



李公父欲應詞科西山指竹夫人戲曰試爲進封制可乎公父未聯云保抱攜持朕不安丙夜之枕輾轉反側爾尙形四方之風西山稱賞王器之京東淮東宣撫制戒詞云公于江而達泗朕方恢禹之九州率彼浦以省徐爾尙勉周之三事迂齋樓公曰經句對經句如在武丁時作召公考惟汝一德于今三年天維顯思民亦勞止有能奮庸爰立作相經營四方飲御諸友之類固是天造地設若萬人畱田對三事就緒雖以史句對經句緣有氣勢所以不覺

北海督府訓詞尤爲宏偉有曰盡長江表裏之封悉歸經畧舉宿將王侯之貴咸聽指揮

李漢老曰張樂全高簡純粹王禹玉溫潤典裁元厚之精麗穩密蘇東坡雄深秀偉皆制詞之傑然者

### 誥式

勅云云具官某云云可特授某官二人以上同制則

于詞前先列除官人具銜姓名可特授某官于勅下便云某官某等末云可依前件侍從以上用聯詞餘官云勅具官某云云爾云云

### 擬誥之始

誥告也其原起于湯誥周官大祝六辭三曰誥士師



漢文三王詔辭為簡至  
書極則後多仿之以  
為雅猶之蘭亭無  
惠刻耳

五戒二曰誥成王封康叔唐叔命以康誥唐誥漢元  
狩六年立三子為王初作誥唐白居易集翰林曰翰  
林制誥中書曰中書制誥蓋內外命書之別宋朝西  
掖初除試誥而命題亦曰制

擬誥之式

東坡制詞有議論荆公南豐外制佳

王子發曰南豐本法意  
原職守而為之訓勅人

人不同咸有新趣行裕雅重自成一  
家 胡致堂曰辭貴簡嚴體歸典重

周益公曰韓退之崔羣戶部侍郎制初云地官之職  
邦教是先末云選賢與能于今惟重擇才經賦自古  
尤難凡命版曹何嘗不主理財惟退之先及邦教而

以經賦二字終之深合經旨

唐錢翊曰體正而有倫詞約  
而居要終始明白所以為誥

詔式

勅門下

或云勅  
某等

故茲詔示

獎諭誠諭撫  
諭隨題改之

想宜知悉

擬詔之始

周官御史掌贊書注云若今尚書作詔文秦改令為

詔漢下書有四三曰詔書

其文曰  
告某官

四曰誡勅

其文曰有  
詔勅某官

唐

貞觀末張昌齡召見試息兵詔此試詔之始也其後  
學士試批荅宋朝西掖初除試詔紹聖試格止曰誡  
諭如近體試論風俗或百官之類紹興改為詔

唐封敕  
作慰邊

將詔曰傷居爾體痛在朕躬賜李德裕制曰謀皆予同言不他惑李德裕草詔  
賜王元達何宏敬曰勿為子孫之謀欲存輔車之勢皆切中事情宋朝錢若水



草賜趙保忠詔曰不斬繼遷存狡免之三窟潛疑光嗣持首鼠之兩端汪彥章草賜高麗詔曰壞晉館以納車庶無後悔閉漢關而謝質非用前規

### 擬詔之式

東萊先生曰詔書或用散文或用四六皆得唯四六者下語須渾全不可如表求新奇之對而失大體但觀前人之詔自可見

散文當以西漢詔為根本次則王岐公荆公會子開詔熟觀然後約以今時格式不然則似今時文策題

矣兩漢詔中語如吏獨安取此皆秉德以陪朕之類

當勾抹出規倣之

李漢老曰兩漢詔令温厚雅馴或人主自親其文周益公曰答皇子詔用卿字非是前輩知體則

不然其他或汝或王或公皆當有別

吳茲與唐叔義詔皆得體

西山先生曰王言之體當以書之誥誓命為祖而參

以兩漢詔冊

朱文公曰三代詞誥誓命皆根源學問敷陳義理

兩漢詔令辭氣藹然深厚爾雅可為代言之法

南豐曰漢詔令

典正謹嚴尚為近古唐常袞楊炎元稹之屬號能為詞其文未有遠過人者朱文公曰國初文章皆嚴重老成嘉祐以前文雖拙而詞謹重所以風俗淳

厚

### 表式

#### 賀

臣某言

或云臣某等言

恭覲

守臣表云恭聞

某月日

云云

者

祥瑞表云伏覲太史局奏云云者

守臣表云伏覲都進奏院報云云者

云云

臣

某懽忭懽忭頓首頓首竊以云

能為強詔宋賢中惟  
公是非二兄弟乃空前  
絕後之作百世可法

德廷遠梁王書令司  
馬相如視草乃行亦非  
人主自親其文也

宋代制詔至公是非二  
列兄弟出而向漢之風復  
振前代所未有後世亦未  
有繼之也



云恭惟皇帝陛下云云臣云云臣無任瞻天望聖激

切屏營之至謹奉表稱賀以聞臣某懼忭懼忭頓首

頓首謹言

年 月 日具官臣姓某上表

謝

臣某言伏蒙聖恩云云者謝除授云伏奉告命授臣某官職者云云臣某惶

懼惶懼頓首頓首竊以云云此段或云伏念臣云云茲蓋恭遇皇帝陛下云

云臣云云臣無任感天荷聖激切屏營之至謹奉表

稱謝以聞進謝恩詩云謹恪齋沐撰成謝恩詩隨表上進以聞臣某惶懼惶懼頓首頓

首謹言

進書 進貢 陳請

臣某言云云臣某惶懼惶懼頓首頓首云云進國史等云恭以某宗皇帝

云云餘用竊以云云恭惟皇帝陛下云云臣云云臣無任瞻天望

聖激切屏營之至陳請表云臣某等無任祈天俟命云云所有某書若干卷

冊謹隨表上進以聞進詩云恭和御製詩之類進貢云某某物云云陳請表云謹奉表陳請以聞臣某

惶懼惶懼頓首頓首謹言代宰臣以下陳請表如請御正殿之類中謝後或云竊以云云或云恭惟皇帝

陛下云云未云伏望皇帝陛下云云

擬表之始

表明也標也標著事序使之明白三王以前謂之敷

奏秦改爲表漢羣臣書四品三曰表不需頭上言臣某言下言誠惶誠恐頓首頓首



左方下附曰某官臣甲乙上

陽嘉元年左雄言孝廉先詣公府文吏課  
牋奏又胡廣以孝廉試章奏然則章奏試士其始此  
歟唐顯慶四年進士試關內父老迎駕表開元二十  
六年西京試擬孔融薦禰衡表則進士亦試表

擬表之式

東萊先生曰表中謝後當說竊以各隨題意如代樞  
密使謝賜玉帶表云竊以裴度視師服章武通天之  
賞衛公戡難拜文皇于闕之珍

視師戡難俱見樞臣之意非泛泛引用此

如謝

賜御書周易尚書表云竊以法始四營莫辨乎易文  
兼五典皆聚此書是也或用事或不用事亦無定格

如進實錄寶訓表中謝後當說恭以某宗皇帝

云云

頌德

不用竊以

羅疇老代高麗修貢表全篇皆穩其間一聯

云地瀕日出每輸傾藿之心天濶露零亦被蓼蕭之  
澤二事人用之極熟此聯稍變言語遂為佳句大抵  
用事當如此不然則泛濫雷同矣其斷句云矢來肅  
謹用昭遠慕之誠弓掛扶桑永荷誕敷之德亦好  
大抵表文以簡潔精緻為先用事不要深僻造語不  
可尖新鋪叙不要繁冗此表之大綱也

誠齋楊公曰有用古人全語而雅馴妥貼如已出者  
介甫賀册妃表云關雎之求淑女無險詖私謁之心



鷄鳴之思賢妃有警戒相成之道

四六有作流麗語者須典而不浮汪彥章賀神降萬歲山表云恍若壺天金成宮闕浩如玉海虹貫山川有作華潤語而重大者最不多得曾子固云鈞陳太微星緯咸若崑崙渤海波濤不驚

露布式

尚書兵部

晉曰尚書五兵

隋唐方曰兵部

唐龍朔二年曰中

臣某

言臣聞

云云

恭惟皇帝陛下

云云

臣等

云云

臣無任

慶快激切屏營之至

唐露布云不勝慶快之至或云無任慶躍之至

謹遣

或云謹差

某官奉

露布以聞

擬露布之始

露布之名始于漢按光武紀注漢制度曰制詔三公皆璽封尚書令印重封露布州郡祭祀志注引東觀書有司奏孝順號露布奏可又鮑昱詣尚書封胡降檄曰故事通官文書不著姓又當司徒露布李雲露布上書注謂不封也魏改元景初詔曰司徒露布咸使聞知蜀漢建興五年春伐魏詔曰丞相某露布天下此皆非將帥獻捷所用通典云後魏攻戰克捷欲天下聞知乃書帛建于漆竿上名為露布自此始也

彭城王勰曰露布者布于四海露之耳目

王肅獲賊二三皆為露布韓顯宗有



高曳長縑虛張功捷之譏孝文稱傅修期下馬作露

布齊神武破芒山軍為露布杜弼即書絹不起草唐

制下之通上其制有六三曰露布兵部侍郎奉以奏

聞集羣官東朝堂中書令宣布隋開皇中撰張昌齡為

崑丘道記室平龜茲露布為士所稱于公異為招討

府掌書記朱泚平露布曰臣既肅清宮禁祇奉寢園

鐘簏不移廟貌如故德宗咨嘆焉薛收為露布或馬上占辭封常清于幕下潛作捷布

東晉未有露布隆興初以晉破苻堅命題似有可疑

然文章緣起曰漢賈洪為馬超伐曹操作而魏志注

謂虞松從司馬宣王征遼東及破賊作露布隋志有

魏武帝露布文九卷世說云桓溫北征令袁宏倚馬

前作露布手不輟筆俄成七紙則魏晉已有之當考

宋書云楊文德建露板馳告朝廷文心雕龍曰露布考蓋露板不封布諸視聽也宋朝王元之擬李靖平

突厥露布此擬題之始歟

擬露布之式

東萊先生曰頭四句後再用兩句散語須便用兩事

如蠻夷則用前代伐蠻夷之事盜賊則用前代伐僭

亂之事

尚書兵部臣某等言主帥臣聞說伐叛恭惟尊號皇帝陛

下頌德更說四方向某賊須極罵之須臣某等說受成某賊說



時拒賊  
次第

臣等

說攻討次第  
說擒賊得地

斯皆

歸善

臣

云云

末用一聯結

西山先生曰露布貴奮發雄壯少麤無害不然則與賀勝捷表無異矣

翟公巽作擒賊露布曰不以賊遺君父已殄凶殘凡克敵示子孫毋忘勲伐

張燕公平契丹露布曰山川積雨盡消胡騎之塵草木長風咸有王師之氣

王元之擬李靖露布叙頡利求降且復謀竄曰穽中餓虎暫為掉尾之求韝上饑鷹終有背人之意

檄式

某年某月日某官某告某處

或曰移某郡

蓋聞

云云

末云檄

到如章書不盡意

或云茲言不欺其聽無惑或云茲言不爽其聽無違故為檄委曲檄到其善詳所處如律令或云檄

到宣告咸使聞知

司馬長卿喻蜀檄

首云言巴蜀太守末云檄到亟下縣道使咸喻陛下意無忽

陳孔

彰為袁紹檄豫州

首云左將軍領豫州刺史郡國相守

蓋聞

云云

司空曹操

云云

幕府

云云

廣宣恩信班揚符賞布告天下

云云

如律令

檄吳將校部曲文

首云年月朔日守尚書令或告江東諸將校部曲及孫權宗親中外

蓋聞

云云

故令往募爵賞科條如左檄到詳思至言

如詔律令

鍾士季檄蜀文

末云各其宣布咸使聞知

宋告司兗二

州

末云幸加三思詳釋利害又尚書符征南府末云文書千里驛行

擬檄之始



檄軍書也祭公謀父所謂威責之令文告之辭東萊

先生曰晉侯使呂相絕秦檄書始于此然春秋之世

鄭子家使執訊與書以告趙宣子晉之邊吏責鄭王

使詹伯辭于晉王子朝使告諸侯皆未有檄之名戰

國時張儀為檄告楚相其名始見魯仲連為書約矢遺燕將秦尉佗移檄蒯通說范陽

令曰傳檄而千里定韓信曰三秦可傳檄而定漢有羽檄顏師古曰檄以木簡為書長尺二寸有

之長二尺說文亦云二尺自相如之後檄書見史策者不可

勝紀揚雄曰軍旅之際飛書馳檄用枚臯謂其為文

敏速也唐以前不用四六周益公擬漢河西大將軍

諭隗囂倪正父擬晉奮威將軍豫州刺史諭中原豪

傑皆用四六然散文為得體如東萊漢使喻莎車諸

國是也釋文曰檄激也文心雕龍曰檄激也宣布于外激然明白

擬檄之式

劉勰文心雕龍曰祭公謀父稱文告之辭即檄之本

原戰國始稱為檄凡檄之大體或述此休明或叙彼

苛虐指天時審人事筭強弱角權勢標著龜于前代

垂鞶鑑于已然譎詭以馳旨煒曄以騰說故植義颺

辭務在剛健插羽以示迅不可使辭緩露板以宣衆

不可使義隱必事昭而理辯氣盛而辭斷此其要也

冊府元龜序曰暴揚過惡張皇威武使忠義奮發而邪謀沮壞論去就之理陳逆順之狀俾之改圖易轍轉禍為福誕告士民使知不獲已而用兵非無名而



武贖

東萊先生曰檄書頭說某官告某將士蓋聞

說討叛招攜之意 說

一段 云云

惟爾某處將士

說為賊拘脅而不能自歸及畧說賊之罪

幕府

說受命討賊甲

兵之盛叙當時形勢賊將欲滅須自歸意

主上

說有過人大度之意開其自新之路

末以歸附則有厚

賞怙終則有顯戮自擇禍福結之

末云凡所賞科其如令甲周益公擬諭隗囂檄云若

吳芮效忠世裂長沙之壤田橫亡命身貽海島之羞顧逆順之灼分惟智愚之審擇

西山先生曰檄露布

乃軍中文字檄貴鋪陳利害感動人心

所業檄題

欲出唐大將軍河南招慰使博州縣檄出題出夏侯

端傳乃高祖創業之初非因兵興盜起稍覺氣象佳

但所疑者一慰字耳 漢以前無檄六朝以來未有

露布編題之初須要知此漢檄不須四六如司馬相

如喻蜀檄之類漢無四六之文故也

晉檄亦用散文如袁豹伐蜀檄之類 隋唐以

來方用四六如祖君彥駘寶王檄鄭畋後檄藩鎮

柳子厚伐黃賊牒云徵側之勇冠一方竟就伏波之

戮呂嘉之威行五嶺終摧下瀨之師嗟此陋微自貶

擒滅

李克曰檄不切厲則敵心陵言不誇壯則軍容弱

箴式

序 云云

箴辭用韻語末云敢告

云云

如揚雄百官九州箴之類箴銘贊頌並逐句空

字

渝蜀又即漢檄也魏武帝露布九卷即二朝以前露布也



擬箴之始

箴者諫誨之辭若箴之療疾故名箴盤庚無伏小人之攸箴庭燎因以箴之召公曰

師箴師曠曰文心雕龍曰夏商二箴餘句頗存夏箴見于

工誦箴諫周書文傳篇商箴見于呂氏春秋名類篇又謹聽篇周

辛甲為太史命百官官箴王闕虞人掌獵為箴漢揚

雄擬其體為十二州二十五官箴後之作者咸依倣

焉隋杜正藏舉秀才擬匠人箴擬題肇于此唐進士

亦或試箴顯慶四年試貢士箴開元十四年考功箴廣德二年轅門箴建中三年學官箴

周虞人箴芒芒禹迹畫為九州經啟九道民有寢廟

獸有茂草各有攸處德用不擾在帝夷羿冒于原獸

忘其國恤而思其麀牡武不可重用不恢于夏家獸

人司原敢告僕夫告僕夫不

敢斥尊擬箴之式

東萊先生曰凡作箴須用官箴王闕之意各以其官

所掌而為箴辭如司隸校尉箴當說司隸箴人君振

紀綱非謂使司隸振紀綱也如廷尉箴當說人君謹

刑罰非謂廷尉謹刑罰也

箴尾須依虞箴獸人司原敢告僕夫之類止是隨題目改

如上林清臺箴則云史臣司天宗正箴則云宗臣司族廷尉云官臣司刑司隸校尉云官臣司

直太常云禮臣司典其下句敢告隨韻改之大抵如敢告誓御敢告僕夫之類

此雖正例然言各有當為君而作則有敢告云云若為臣而作或為己而作如昌黎上箴則又不可拘泥所謂文無定



箴銘贊頌各名而用  
物其用相通通官施之  
耳几杖之銘盤盂之書  
類多之而不可得也

西山先生曰箴銘贊頌雖均韻語然體各不同箴乃  
規諷之文貴乎有警戒切劘之意詩庭燎沔水等篇  
左氏虞人箴揚子雲百官箴古文苑張茂先女史箴白居  
易續虞人箴柳公綽太醫箴王元之端拱箴文粹中  
諸箴時時反復熟誦便知體式

箴者下規上之辭須有古人風諫之意惟官名可以  
命題所謂百官箴王闕各因其職以諷諫如出周保  
章箴則當以敬天為說其他皆然又有非官名而出  
箴者若宣室上林清臺之類亦當引從規諷上立說

東萊先生考工令箴監于太宗罷露臺役一言興邦

萬杵咸息監于中宗肅然齋居器械技巧圭黍莫誣

就用漢事  
可以為式

胡廣百官箴叙曰箴諫之興所由尚矣聖君求之于

下忠臣納之于上故虞書曰予違汝弼汝無面從退

有後言墨子著書稱夏箴之辭

文心雕龍曰揚雄稽古始範虞  
箴卿尹州牧二十五篇及崔胡

補綴總稱百官所謂追清  
風于前古舉辛甲于後代

銘式

序云云銘詩用韻語

諸墓銘式已見前卷此所紀宮室器用等皆有  
銘文例不可畧也如張孟陽劍閣銘柳宗元塗

山銘  
之類

擬銘之始



銘始于黃帝漢藝文志道家有黃帝銘六篇

應劭曰盤孟諸書黃

帝史孔甲所作銘也

禹銘筍簋湯銘于盤

銘者名也因其器名書以為戒也

武王聞丹

書之言為銘十六臧武仲曰夫銘天子令德諸侯言時計功大夫稱伐文心雕龍曰夏鑄九鼎周勒楛矢令德之事也呂望銘昆吾仲山鏤庸器計功之義也魏顆景鍾孔悝衛鼎稱伐之類也蔡邕銘論曰德非此族不在銘典詩傳曰作器能銘可以為大夫考工記嘉量有銘文選序曰銘則序事清潤陸倕石闕漏刻二銘皆有序張載劍閣銘末云勒銘山阿敢告梁益則寓警戒之旨隋杜正元舉秀才擬燕然山劍閣

唐德樵潼關中銘二最得古人為銘之本意

銘杜正藏擬弓銘唐崔渙還調吏部侍郎嚴挺之施特榻試彝尊銘謂曰子清廟器故以題相命建中三年進士別頭試歌器銘興元元年朱干銘則以銘試士尚矣

### 擬銘之式

文心雕龍曰箴貴確切銘貴宏潤事必覈以辨文必簡而深

朱文公曰武王諸銘有切題者如鑑銘是也亦有不



擬記之始

漢記之有銘者多矣  
甯上是乎

記者記事之文也西山先生曰禹貢武成金縢顧命  
記之屬似之文選止有奏記而無此體古文苑載後  
漢樊毅修西嶽廟記其末有銘亦碑文之類至唐始  
盛獨孤及風后八陣圖記後擬題做之

擬記之式

凡作文字先要知格律次要立意次要語瞻所謂格  
律但熟考總類可也所謂立意如學記泛說尚文是  
無意也須就題立意方為親切柳子厚柳州學記說  
仲尼之道與王化遠邇此兩句便見嶺外立學不可

移于中州學校也所謂語瞻如韓退之南海神廟文  
乾端坤倪軒豁呈露一段老蘇兄渙字序說風水一  
段是也雖欲語瞻而不可太長

謂專事  
言語

不可近俗不可

多用難字

熟看韓柳歐蘇先見文字體式  
然後徧攷古人用意下句處

又須作一冊編體製轉換處不拘古文與今文大畧  
編之如喜雨亭記亭以兩名志喜也柳文宣王廟碑  
仲尼之道與王化遠邇似此之類此作記起頭體製  
也歐公真州發運園記中間一節此記中間鋪叙體  
製也柳萬石亭記附零陵故事之類此記末後體製  
也

此事只是宋以後文字  
體制名古文豈必若是

目黎新作水門之類  
用德碑格文小真是  
記法若歐曾父子記直  
是論事書非記體也  
不可不知



記序以簡重嚴整為主而忌堆疊窒塞以清新華潤

為工而忌浮靡纖麗文心雕龍曰思瞻者善敷才覈者善剛善剛者字去而意留善敷者辭殊而義顯字剛而意缺

助短辭覈而言重助蕪綜學在博取事貴約

朱文公日記文當考歐曾遺法科簡刮摩使清明峻

潔之中自有雍容俯仰之態又曰歐文敷腴溫潤南豐文峻潔坡文雄健水心曰如歐公吉州

學豐樂亭南豐擬峴臺道山亭荆公信州興造桂州修城記

張文潛曰文人好奇者或為缺句斷章使脉理不屬

又取古人訓詁希于見聞者衣被而說合之反覆咀

嚼卒亦無有此最文之陋也石林曰今世文章只是用換字減字法

張伯玉吳郡六經閣記云六經閣諸子百家皆在焉

不書尊經也

元祐中新作御史臺詔曾子開為記其畧曰責人非

難責已為難云云惟其不難于責已則施于責人能

稱其任矣苟異于是得無餒于中哉世以為名言

贊式頌說附後

序云云贊曰云云

擬贊之始

贊者贊美贊述之辭文選序曰圖像則贊與文章緣

起曰司馬相如作荆軻贊班史以論為贊范曄更以

韻語隋志曰後漢魯廬江有名德先賢之贊蜀楊戲著季漢輔臣贊漢明帝殿閣畫陳思王為贊夏侯湛東方朔



畫贊序 云云 乃作頌焉其辭曰 云云 袁宏三國名臣

序贊序 云云 故復撰序所懷以為之贊 云云 先序後

贊與今體相類唐建中二年進士以箴論表贊代詩

賦此試贊之始中興書目云顧雲鳳策聯華三卷有

補十八學士寫真像贊安西都護府重築碎葉城碑

皆因舊事而作

### 擬贊之式

西山先生曰贊頌皆韻語體式類相似贊者贊美之

辭頌者形容功德然頌比于贊尤貴瞻麗宏肆 須鋪張揚厲以

典雅豐縵為貴 昌黎聖德詩徂徠慶歷頌此正格也其用事

造語最忌塵俗須讀熟三百篇博觀司馬相如揚雄

諸賦與夫漢郊祀歌文選所載二京三都七啟七發

之類及韓柳文韻語文字則筆下自然豐腴矣

### 頌式

序 云云 頌曰 云云 如韓愈元和聖德詩柳宗元平淮夷雅之類

### 擬頌之始

詩有六義六曰頌莊子曰黃帝張咸池之樂有焱氏

為頌文心雕龍曰帝嚳之世咸墨為頌以歌九韶商

周及魯皆有頌所以游揚德業褒讚成功隋杜正元

舉秀才擬聖主得賢臣頌唐開元十一年進士試黃



龍頌十五年試積翠宮甘露頌宋朝淳化三年楊億于學士院試舒州進甘露頌遂賜及第則試頌尚矣宋書曰鮑照為河清頌其序甚工頌詩有序亦不可畧也

有終篇同韻者如元和聖德詩有四句換韻者如平淮西碑箴銘贊做此

擬頌之式

文心雕龍曰擬清廟範駟那崔瑗文學蔡邕樊渠並致美于序而簡約乎篇 取鎔經意自鑄偉辭 又曰賈誼枚乘兩句輒易劉歆桓譚百句不遷亦各有其志也昔魏武論詩嫌于積韻而善于質代陸雲亦稱四句轉韻以四句為佳

金樓子曰班固頌學尚云贊頌相似

序式

末云

故其贈行不以頌而以規 作送某序 公於是作歌詩以美之命屬官咸作之命某序之 於是登第而歸將榮于其鄉也能無說乎 慶

復人之將蒙其休澤也于是乎言 故有以贈童子 工乎詩者歌以係之于其別申以問之 于其行姑與之飲酒 于其行姑以是贈之 書以為荆

潭唱和詩序 酒壺既傾序以識別 於是相屬為詩以道其行云 於是咸賦詩以贈之 重生之還者皆為詩某最故故又為序云 遂各為歌詩六韻

退某為之序云 皆相勉為詩以推大之而屬余為序 俾余題其首 退上韓

君之道作詩以言余猶某也故於是乎序焉 故為詩以重其去而使余為序

故詩而序云 其道美矣故余繼之以辭 遂繫之而重以序 于其往也

故賞以酒肉而重之以辭 行哉行哉言止是而已 獻之酒賦之詩而歌之

坐者從而和之既和而序之 於是編其餞詩若干篇紀于末簡以貺行李遂抗手而別 以吾子見私於僕而又重其去故竊言而書之而密授焉 于將行而問以言敢以變君之志 余用是得不繫其說以告于他好事者 故為之言 於其辭而去也則書以畀之 故于其去不可以不告也 柳子厚

擬序之始



序者序典籍之所以作也文選始于詩序而書序左傳序次之

### 擬序之式

東萊先生曰作記序若要起頭省力且就題說起謂

如太宗金鑑書序則便說太宗皇帝

云云

說鑑治亂

賢不肖之意如花萼相輝樓記則便說唐玄宗明皇

帝

云云

說兄弟友悌之意不可泛說功德須便入題

意

書目有異同者如南豐戰國策目錄序末云此書有

高誘注者二十一篇或云三十二篇崇文總目存者

八篇今存者十篇云

卷數有序于首者如唐開元禮序云明皇帝之十四

年云云爲開元禮一百五十卷是也有序于末者如

唐大衍歷序云其書有歷衍七篇歷議十篇畧例一

篇云是也

夫序由詩書左傳有序故說者謂序典籍之所以作

大抵序以善序事理爲上如後世贈送燕集等作隨

事以序其實觀古人制作其體式可概見矣

### 諸跋

跋者隨題以贊語于後者也或前有序引當掇其有



金石例 卷九  
關大體者立論以表章之須要明白簡嚴不可墮人  
窠臼古人跋語不多見至宋始盛觀歐蘇曾王諸作  
則可知矣

金石例卷之九終

郝伯常先生編類金石八例

世系

名字

始起

建功立事

年壽

薨卒

殯葬

銘辭

蒼崖先生十五例

入作造端

名字族姓

鄉貫

世次先德

文學藝能

仕進歷官

政迹功德

享年卒葬

生娶嫁女

總述行迹

作碑誌

銘辭

孤弱

祠廟原始

立廟祠祭

右先生金石例皆取韓文類緝以爲例大畧與徐  
秋山括例相去不遠若再備錄似爲重複故止記  
其目于此云

此名爲金石例實  
專指銘章言之



金石例卷之十

濟南 潘昂霄 景梁

○史院纂修凡例

凡二十七條

聖旨詔制

凡已經翰林院潤飾者並全書其有直言直語者只先作隨所見聞叙其事情條格末却書云是日詔諭中外

元正朝賀

如御正殿則書上御正殿受諸王百官朝賀或改印或免賀正印必書其故或在行則書上駐蹕某所扈

此亦當日官書卷尾所錄者非其所自撰



從臣僚便賀于行宮

外國來賀

于賀下連書以次引見諸國使人如常儀若止是一國則曰某國遣其某官臣某來賀其有朝辭日分隨日月書

車駕飛放

書某日上畋于近郊至每日移駐蹕之地亦書及還宮則書上還宮

車駕行幸

某日車駕幸上都每日駐蹕隨事有可書者則書之至上都則書及還大都則書車駕還大都駐蹕亦隨事見至大都則書上還宮若事蹟中不見則不書

嶽瀆降香

某日遣使持香祠五嶽四瀆后土如衡山始入版圖東海南海始遣使皆書至嶽瀆海加封則先書加五嶽四瀆四海封號某神加某號詳書之畢却書分遣使臣奉制辭香幣祠于廟所如西海北海附祭亦合書于初年後不復書或專遣一使徧行則特書

聖節朝賀

今書聖誕節某日受朝賀則同元日書



諸王稱號

親王除有封爵者書其爵諸王並稱親王其有昭穆可考者雖無封爵直書某昭穆小名

皇屬除拜

皇屬前有內職者書立某封某氏爲皇后自外選內者書納皇后某氏太子書立某王爲皇太子公主出嫁並稱下嫁

內庭宴集

爲某王某國來朝設宴則書餘則否

大會諸王

緣故有所考則書

神祇祭享

本朝無郊社如灑馬乳之類事迹中可見則書社新立則書始建社稷于國西宗廟每歲一享則書享于太廟攝獻官隨所見書如燒飯等亦隨所見書僧道祈禳隨事蹟擇其大者書之

百官拜罷

左右丞相則書拜平章則云以某官平章政事左右丞則云以某人爲某官叅政則云以某官叅知政事罷則書罷因功罪則各書其下貶降竄籍誅殺皆書



百官除目

三品以上則書其間有因事得官或特旨與官者不當以品數論當悉書之

蒙古言語

有合書者則云爲國朝語

誅殺罪人

前代殺當其罪者書某人伏誅其不當者書殺某人其大辟則歲終書是歲斷死刑幾人或有奏讞出入者則附書其下

錫賚犒勞

當書緣故前代多是銀絹錢帛今多有細色緞子之類隨事實書又銀與鈔例合以兩及貫計不須計定數其餘賜當從其實

甲子日分

前史並書甲子不書日分近所草定兼日分姑欲易見耳今各精攷甲子悉刪去日分

天地災異

京師所見則皆書偏方或見有成災者則皆書餘則否

奏除臣僚



內有奏而不允者必書其故無故者否

奏對陳言

臣下言事有關於大體者雖不准亦書

陞加散官

初授散官各官合與備書其後隨職例陞者不書或隨職降者則書不遷職止陞散官者則書加某官

征伐收撫

如平定諸國初則書命某人率師伐某其後次第悉書至入國都則書某國平下併書已行事實或有反叛則書何地某人反命某人率師討之其後次第悉

書至賊破敗畢則書賊平上親征者亦然

外國君長

外國不相屬時則書某國主某殂立則書某國主某立自朝廷立之者則書某國王某卒立某人爲某國王未封王者書世子

營造工作

宮殿皆書寺觀亦書器物關朝廷用度者則書餘則否

臣下奏事

凡中書省官同奏則稱中書省官奏臺院亦同如一



二人奏則直指其人。或其他有司。令省中奏則稱中書省轉奏某人言某事。或左右近人奏亦直書某人奏某事。其後得旨可之則稱從之。有一日奏數事則類事于後稱並從之。否則書不允有旨並載于下。啟皇太子稱令旨准。否則稱令旨不從。  
臣僚薨卒

宰相重臣書薨餘俱書卒

此雖當時故事無用於今然臨文省覽亦斟酌變通之一術可以權古今之宜者也

金石例卷之十終

先文僖公所著金石例十卷制度文辭必稽諸古所以模範後學者也。每見手澤不忍釋去與其私于一家孰若公于天下傳之子孫孰若法之人人使咸知先公之心去浮靡以還淳古顧不遑與謹刻之梓嘉與士大夫共之。至正五年春三月望濟南潘詡敬書于卷末。  
此書元刻于濟南文僖之子刊定重刻于鄱陽王思明校正三刻于龍宗武摹泰和楊寅弼抄本此從鄱陽本錄出故有思明叙

此書置案頭之餘年編閱百遍偶有會心隨手點注此賢為文多善詞造或為高談其不欲聞是說不矣



金在德

疏

七

始亦以爲

五二隊于... 本九... 本...

... 王... 王...

... 卷...

... 夫...

... 公...

... 一...

... 文...









